




Georg 1009<sup>a</sup>



Georgs-B.



Die Epistel  
des Propheten  
Jesaja/ so man  
ynn der Christmesse liest/  
ausgelegt vnd gepredigt  
durch  
Mart. Luther  
Wittenberg.  
1 5 2 6



net  
 Den  
 viel  
 sie  
 ynn  
 wen  
 Das  
 rer  
 trey  
 zey  
 ynn  
 ver  
 den  
 ren



Jesaja am neunnden Capitel.



Das volck das ym finstern  
wandelt/sihet ein grosses  
liecht/vber die da wonen  
ym finstern lande/ schei-  
net es helle/damit machstu der freu-  
den wenig/weil du der heiden so  
viel machst/ Doch fur dir werden  
sie sich frewen/wie man sich frewet  
ynn der erndte/wie man frolich ist/  
wenn man beute austeylet/ Denn  
das ioch yhrer last/ vnd die rute yh-  
rer schulder/vnd den stecken yhres  
treybers hastu zubrochen/ wie zur  
zeyt Adidian/ Denn aller krieg mit  
vngestum vnd blutig kleyd/ wird  
verbrand/durch feur verzeret wer-  
den/ Denn vns ist ein kind gebo-  
ren/der son ist vns gegeben/wilchs  
2 4 hirschafft

hirschafft ist auff seiner schulder /  
Vnd heist / Wunderbar / Rad / Krafft /  
Welt / Jummervater / Friedefurst /  
Auff das seine hirschafft gros wer-  
de / vnd des friedes kein ende / auff  
dem thron David vnd seinem ko-  
nigreiche / Das ers zurichte vnd  
stercke mit gericht vnd gerechtig-  
keit von nu an bis ynn ewig-  
keit. Solchs wird thun  
der Eyuer des He-  
rrn Zeba-  
oth.

Diese



vnd  
sol r  
lich/  
rael  
chtic  
den  
blen  
cht r  
auch  
vnd  
berst  
cht/  
des  
per  
den  
ben  
von  
yhr  
wil  
Go  
nen  
her  
obe  
lich  
erb  
lic  
sey



## Jese Epistel lieset man auff

diesen tag der gepurt Christi/darumb das Je  
saia vnter andern worten sagt/Eyn kind ist  
vns geboren/wilchs ia on zweyffel von Chris  
sto gesagt ist/Doch ist die gantze rede durch  
vnd durch von dem reych des gebornen kinds Christi/wie er  
sol regiren/vnd was aus seynem regirn folgen werde/nem  
lich/das sich an yhm ergern vnd stossen wurde das volck Is  
rael/weyl er eyn solcher Herr gepredigt wird/das er die gere  
chtick eyt des gesetzes verwirfft/vnd die heyden on gesetz/durch  
den glawben an nympt/Wilchs die Juden so verdreust/ver  
blende vnd verstockt bis auff den heutigen tag/das sie schle  
cht nicht herzu wollen/Da von sagt das gantze capitel/wie  
auch Simeon sagt Luce. 2. Sibe/dieser ist gesetzt zum fall  
vnd auff stehen vieler ynn Israel/vnd zum zeychen dem wid  
dersprochen wird/Vnd er selbs Jesaia ynn diesem capitel sprie  
cht/das der Herr werde eyn fels des ergernis vnd ein steyn  
des anstossens seyn/beyden heusern Israel/Wilchen spruch  
Petrus vnd Paulus furen ynn yhren schrifftten von den Ju  
den/Das also die summa dieser Epistel sey/Die Juden wer  
den sich ergern vnd verstocken vber dem gnadreichen wort  
von dem reich Christi/das es so hoch gepreyset wird/vnd  
yhre werck vnd gesetz so gar nichts gelten sollen fur Gott/  
wilchs sie nicht leyden mugen.Denn das mus folgen/wo  
Gottis gnade gepreyset wird/das da die werck heyligen zur  
nen vnd toben.

Diese meynung vnd summa geben die wort/die hart vor  
her gehen/da er von dem finsternis sagt/das die Juden wurd  
vberfallen/wie es nicht eyn naturlich finsternis/noch eyn leyb  
lich tuncfel/sondern ein geystlich finsternis seyn solle/die sich  
erhebe daruber/das die andern leute vnd die heyden eyn gros  
licht sehen/vnd spricht. Denn es wurd nicht eyn solch tuncfel  
seyn/das sie engste/wie zur ersten zeyt geschach/da es noch  
A iij leicht:

Diese

leicht zugienß ym lande Sebulon vnd ym lande Naphthali/  
odder da es hernach schwerer zugienß am wege des meers  
bisseß des Jordans/ym Gallilea der Heyden/Sondern ein  
solchs/das das volck/so ym finsternis wandelt/ein grosses  
licht sihet/vnd das es vber die/so ym finstern wonen/helle  
scheinet/da mit du die freude nicht gros machst/weyl du der  
Heyden viel machst 2c. Das ist so viel gesagt/Es wird dis  
volck eine ander finsternis vnd vnglück vber gehen/denn die  
war/da der konig von Assyrien Teglatpelleßer zum ersten das  
land Sebulon vnd Naphthali eynnamm/wilchs noch eyn lei-  
cht vnd geringe vnglück zurechen war/gegen dem da Sala-  
manassar hernach das gantze land am meer eynnamm vnd  
das reich Israël gar wegfuret/wilchs war viel eyn schwerer  
vnd grosser vnglück vnd finsternis/Aber vber die vnglück alle  
beyde/wird aller erst das recht vnglück vnd finsternis kom-  
men zu Christus zeyten/da dis volck sich ergern vnd verstos-  
sen wird/vber dem/das ein grosses licht vnd heller scheyn  
wird auffgehen ym volck/dadurch auch viel Heyden bekeret  
werden/vnd nymmer gelten wird gesetz vnd Moses vnd alles  
wesen des Judischen volcks/sondern alleyne gnade vnd barm-  
hertzickeyt ym Christo gepredigt wird.

Dem du must hie die schrift wol wissen/die ym .15. Ca-  
pitel des andern buchs von den konigen stehet/wie der konig  
Teglatpelleßer von Assyrien zur zeyt Pekah des koniges Is-  
raël erauff kam/vnd nam eyn vnd furet weg Gilead vnd  
Galilea/fast das dritte teyl des lands Israël zu beyden seyten  
des Jordans/Vnd ym .17. capitel/wie der ander konig von  
Assyrien Salmanesser/drey iar Samaria belagert/vnd das  
gantze Israël weg furet. Dis waren zwey finsternis/das ist/  
zwey vnglück/Denn auff Ebreisch heyst/licht glück vnd fins-  
ternis vnglück/darumb das keyn Gottis gnade noch guete  
vber sie scheynet/sondern eytel wetter vnd wyrbel des Gottis  
ehen zorns vber sie finstert. Vnd Jesaia heyst die eyne noch  
leichte

leichte  
war n  
Aber  
tar ym  
furet.  
sen/de  
ben/v  
nemlic  
sind w  
Röme  
ung re  
vnd v  
helfer

W  
nis/w  
geystl  
Dem  
vnd v  
vnd e  
tes D  
cht g  
feyn/d  
was k  
kan d  
So if



leichte/da Galilea vnd Gilead weg gefürt ward/denn es  
war nur ein stuck des lands vnd weret nicht lange ym lande/  
Aber die ander war schwerer/da der konig von Assyrien drey  
jar ym lande lag vnd streit/zu letzt auch das gantze land weg  
füret. Diese zwey vnglück vnd finsternis sind furbilde gewo-  
sen/des letzten vnglücks/da die Juden beydes verloren ha-  
ben/vnd sind geystlich vnd leyblich zerstoret vnd weggefürt/  
nemlich/das sie von Gott vnd Gotis wort durch den teuffel  
sind weg gefürt/auff yhre lügen/Vnd darnach auch von den  
Römern leyblich zerstreuet ynn alle welt. Von dieser zerstör-  
ung redet Jesaia an viel orten. In wyr wollen zur Epistel/  
vnd vnsern herrn Christum lernen kennen vnd das kindlin  
helffen wygen.

**Das volck das ym finstern  
wandelt/sihet ein grosses lie-  
cht/vber die/ so ym finstern  
lande wonen/scheynet es hel-  
le**

Wie ich gesagt habe/Jesaia redet von geystlichem finstern-  
nis/wilchs ist das grossst vnglück vnd vngnade/vnd von  
geystlichem licht/wilchs ist das grossst glück vnd gnade/  
Denn was kan grewlichers seyn/denn blindheyt des hertzen  
vnd vnwissen ynn Gottlichen sachen? Was kan lieblichers  
vnd edlers seyn/denn eyn erleucht hertz vnd erkendnis Got-  
tes?Dort kan nichts denn eytel böses seyn/das auch guts ni-  
cht gut ist/obs da schon were. Hie kan nichts denn guts  
seyn/das auch böses nicht böse ist/obs schon da were. Denn  
was kan dem schaden/der Gott selber kenne vnd hat? Was  
kan dem frumen/der Gotts beraubt ist vnd den teuffel hat?  
So ist in dis grosse liecht vnd heller scheyn/das heylige  
Evangelion

Euangelion odder das wort von der gnaden Gottis/das ist  
ein geystlich liecht/das zeyget/ was Gott ist/ was er vns  
thut vnd gibt/was er will von vns haben. Item leret/was  
sunde/tod/teuffel/welt vnd alle ding sey/was sie vns schaden  
odder frumen zur selickeyt.

Weynstu nicht/das das eyn vnausprechlich liecht sey/ da  
bey wyr auch ynn das hertz Gottis vnd ynn die tieffe der  
Gottheyt sehen/ Item/das wyr auch die gedanken des teuff  
fels sehen/ Item/was die sunde sey/vnd wie man yhr sol los  
werden/was der tod sey/vnd wie man sol daraus komen/  
Was mensch vnd welt sey/vnd wie man sich dafür huten sol  
le/So doch zuvor niemand gewist hat/ was Gott sey/ob au  
ch teuffel seyen/was sunde vnd tod sey/ schweyge das man  
solte wissen/wie man da von solt los werden. Also hat auch  
niemand gewust/was mensch vnd welt sey/denn man hat ge  
meynt/es sey viel redlicheyt/vermunfft vnd guter tugent ynn  
yhn/hat niemand gemeynt/das yhr hoehste weysheyt eytel  
torheyt/yhr edlste tugent eytel bossheyt were.

Solch vnwoyssenheyt vnd blindheyt heyst hie Jesaia/das  
finsternis vnd finster land/darynnen das volck wonet/Vnd  
meynet damit das Judische volck. Da hebt sich nu der hadder  
vnd ergernis an diesem liechte. Denn wie wol dis liecht ist vb  
er das gantze volck auff gangen vnd gepredigt/ so habens  
doch das mehrer teyl nicht wollen annemen/ Denn sie wollen  
mit nichten blind noch finster seyn/sondern hielten yhr thun  
für liecht/wie wyr auch ynn der Epistel an der heyligen drey  
konige tag gesehen haben/da Jesaia des gleichen redet vom  
liecht vnd finsternis.

Aber sihe/wo mit die leute solchs verdienet haben/das sie  
solch liecht sehen/hie würd keyn werck/keyn freyer wille ange  
zeigt/sondern viel mehr ein gefangener wille/ Denn wer kan  
etwas thun ynn finsternis? Wer weis was er thun sol/der  
nichts weys? Spricht nicht Christus Johan. 12. Wer ynn  
finstern

finste  
eytel  
vber  
verste  
sihet  
das y  
Jude  
liecht  
hen/  
gen/  
chts h  
liecht  
dern  
umbb  
legt/  
keit/  
he/zu  
Mit  
auff  
viel  
den  
so die  
die h

Eu  
ben/  
zelet  
Vnd  
nicht

finstern gehet/der weis nicht/wo er hyn gehet? So ifts nu  
eytel gnade/das ein liecht ynn der finstern auffgehet vnd  
vber das volck helle scheinet. Vnd ist auch Jesaia nicht so zu  
verstehen da er spricht/ Das volck das ym finstern wandelt  
sihet ein gros liecht/als vnterscheide er zweyerley volck/ Eins  
das ym finstern/das ander das ym liecht wandelt/wie die  
Juden sich vnd die Heiden vnterschieden/als gehen sie ym  
liecht vnd die Heiden ym finstern/Sondern also ist er zuerste  
hen/das er damit alles volcks iamer anzeyge/als solt er sa-  
gen/Des volcks/das ym grosser finsternis sitzt vnd des lie-  
chts hoch bedarff/erbarmet sich Gott/vnd leyt yhm ein gros  
liechte leuchten/nicht durch yhr verdienst da zu bewegt/son-  
dern durch seine barmhertzigkeit kompt er zuvor/ehe sie dar-  
umbbitten odder suchen/wie es denn S. Lucas gar fein aus-  
legt/da Zacharias spricht/Durch die grundlose barmhertzi-  
gkeit/durch wilche vns besucht hat der auffgang aus der hö-  
he/zuerleuchten die ym finstern vnd tods schatten sitzen zc.  
Mit wilchen worten/als mit ein finger/zeygt Lucas hie  
auff Jesaiam ynn dieser Epistel/Vnd Johan. 1. auch/da er  
viel vom liecht redet/Daraus man wol merckt/das er von  
den Juden fur nemlich redet vnd auch von den heiden/denn  
so die Juden Gottes volck ym finsternis .sitzt/viel mehr sitzen  
die heiden drynne.

**Da mit machstu der freuden  
wenig/ weil du der Heiden  
so viel machst.**

Er hat nu das liecht/das Euangelion vnd die lere beschri-  
ben/wo her/wo hyn vnd worumb sie leuchte vnd kome/Vu-  
zelet er die schuler vnd iunger solchs liechts vnd solcher leere/  
Vnd setzt der selbigen zwo art/Eyne die das liecht vnd lere  
nicht an nympt. Wie Joh. 1. auch sagt/ Das liecht leucht ynn

**B** die

tis/das ist  
as er vns  
leret/was  
ns schaden

ht sey/da  
e tieffe der  
n des teuf-  
hr sol los  
as komet/  
r huten sol  
sey/ob aus  
das man  
o hat auch  
man hat ge-  
rgent ym  
sheyt eytel

Jesaia/das  
onet/Vnd  
der hadder  
iecht ist vb  
so habens  
t sie wollen  
n yhr thum  
ligen drey  
redet vom

en/das sie  
wille ange-  
m wer kan  
un sol/der  
Wer ym  
finstern

die finsternis / vnd die finsternis begreyffens nicht / das ist /  
das wyr droben gesagt haben / das sich das mehrer teyl der  
Juden an dem liecht geerget vnd gestossen hat / wie abermal  
Johan. 1. spricht / Er kam ym sein eygenthum / aber die seinen  
namen yhn nicht an / wenig aber vnd gleich die vbrigen heseñ  
vñ grundsippe / die geringen aus den Juden / haben das liecht  
angenomen. Das heyst nu / du machst die freude nicht gros /  
odder der freuden wenig / Wilchs mag zweyerley weyse ver-  
stand haben / Einen / das der Juden wenig sind dieses liechts  
fro werden / sondern das mehrer teyl als die verstockten sind  
zornig / tol vnd thoricht druber wurden / das sie es verfolgeten  
bis an yhr ende on auffhoren. Den andern / Es ist grosse freu-  
de bey den heyligen / wo das Euangelion wol gehet vnd viel  
bekeret werden / Solcher freuden aber haben die lieben Apo-  
stel wenig gehabt an dem Judischen volck / ia sie haben vber  
yhrn verstockten glauben seer geweinet / wie Paulus thut Ro-  
ma. 9. Vnd Jesaia auch selbst verkündigt am andern ort vnd  
spricht Cap. 33. Die engel des frides werden bitterlich wey-  
nen / das ist / die Apostel die den fride vnd das Euangelion  
predigen / werden seer weinen zc. So doch die Juden solten die  
grossersten freude gemacht haben / damit / das sie alle glerbt-  
en / weil yhn solch liecht sonderlich für allen volckern auff er-  
den / verheissen vnd von Christo selbst bracht ist.

Aber der erste verstand ist der beste vnd reymet sich bas  
zum text / weil er spricht / das der freuden darumb wenig sey /  
das so viel heiden bekert sind. Tu verdros niemand / das viel  
heiden zum glauben kamen so seer als die verstockten Juden /  
denn die Aposteln freweten sich des hoch. Es ist aber hofes-  
lich geredt / das der freuden sey wenig gewesen / vnd nicht viel  
sich solcher Euangelischer frucht vnter den heiden gefrewet  
haben / vnd gillt so viel / Es verdreufft aus der massen viel  
vnd macht sie vnlustig / das so viel heyden an nemen den ge-  
creutzigten

creutzig  
den es  
als wer  
viel lei  
eine sch  
Bapstu  
toll vn  
eben / da  
nig ma  
vnrerst  
lus Ro  
che nich  
gesetz n  
den / die  
die heid  
machen  
mich d  
Weil s  
len sie d  
vnd sch

Dan  
wie es  
mochte  
schlech  
Pfu  
furet /  
die Ju  
wird d  
diegan  
ren wy  
men / d  
gen / d

das ist/ der teyl der die seinen igen heseu das liecht nicht gros/ weyse verses liechts ecken sind erfolgten grosse freu t und viel eben Apot haben ober thut Ro rn ort und lich wey uangelion solten die alle glewbs ern auff er

creutzigten Christon/ vnd sind ein kleines heufflin der Juden/ den es wolgefellet/ die andern sind vnshinnig druber/ Gleich als wenn man itzt von vnser zeit also sagte/ Gott macht/ das viel leute dem Euangelio zusallen/ Aber es ist dem bapstum eine schlechte freude/ das ist/ wenig sind die sichs frewen ym Bapstum/ Aber fast viel vnd das grösste teyl die es verdraufft/ toll vnd töricht druber wollen werden. Vnd dieser tert will eben/ das Mose ym seym liede will da er sagt/ Ich wil sie zornig machen vber dem das nicht mein volck ist/ vnd vber eym vnuerstendigen volck wil ich sie eyuern machen/ wie es Paulus Ro. x. einfuret/ das ist/ Ich will die heiden annemen welche nicht mein volck sind/ dazu vnuerstendig/ als die Moses gesetz nicht haben/ noch so viel von Gott wissen/ wie die Juden/ die es teglich hören. Wenn man denn sagen würd/ Sihe/ die heiden sind Gotts volck/ das würd sie toll vnd vnshinnig machen/ denn sie wollen alleine Gotts volck sein/ vnd halten mich doch nicht für yhren Got/ sondern haben ander götter/ Weil sie denn mich verlassen/ so wil ich andere annemen/ Vn len sie dort/ so bule ich hie. Das heist du machst ein geringe vnd schlechte freude/ das du der heyden so viel machst.

Damit ist nu die art vnd gluck des Euangelij angezeigt/ wie es yhm ym der welt gehe/ das man wol diesen spruch mochte dem Euangelio zum reym vnd titel zuschreiben/ das schlechte freude dauon kumpt/ wenn es viel leute annemen/ Pfu (sprechen sie) wie viel leute werden durch die ketzerey versuret/ Es wil alle welt solche lere hören vnd haben/ gleich wie die Juden sprechen Johan. 19. Lassen wir yhn also gehen/ so würd die gantze welt an yhn glauben/ Vnd Johan. 12. Sehet/ die gantze welt leufft yhm nach/ Also sprechen sie itzt auch/ weren wyr nicht/ so würd alle welt die Luterische ketzerey annemen/ darumb lastt vns weren/ brennen/ morden/ iagen/ verfolgen/ das wir das Euangelion dempfen/ denn es macht vns

B ij abfal

abfal des volcks/abgangs des guts/vnd vntergang der ehre  
vñ gewalt. O ia weret flur lieben gesellen/yhr farete recht an.  
Wenn yhr nicht so weret/mochte erwr pracht vnd wesen zu  
lange bleiben. Auff das yhr nu ia deste ehe vntergeht/so helfft  
dazu/fecht widder Gott vnd menschen/auff das widerumb  
Gott vnd menschen euch feind werden/vnd yhr also zuletzt  
vertilget werdet/wie den Juden vnd allen verfolgern des  
Euangelio geschehen ist/Amen.

**Aber fur dir frewet man sich/  
wie man sich frewet ynn der  
erndte / wie man frolich ist /  
wenn man beute austeilet.**

Fur dir (spricht er) das ist ym geyst vnd glawben/da  
Christus reich ynnen stehet/vnd da er auch herschet. Hie ist  
auch das kleine heufflin/das sich frewet/wie hart droben ge-  
sagt ist/daraus man mercken kan/das es war sey/das der  
text (Du machst der freuden wenig) sey so viel gesagt/du  
machst sie vnlustig/vnd zornig/das sie keine freude/sondern  
eytel betrubnis dauon haben/vnd sey eben auff die weise ge-  
redt/Es ist warlich eine schlechte freude da/das ist/grosser  
vnlust vnd widder willen/Denn er folget hie vnd spricht  
drauff/Aber fur dir ist freude/als solt er sagen/dort ist schles-  
chte freude/das ist/keine freude. Aber hie fur dir ist grosse freu-  
de. Es ist auch darumb gesagt (fur dir) das niemand weynen  
odder warten solle auff weltliche vnd zeitliche freude ym reich  
Christi/Es mus eine freude ynn Gott vnter dem creutze  
sein/wie Christus spricht/Im der wellt werdet yhr gedrenge  
haben/Aber ynn mir fride/Das hertz ist ymer frolich bey den  
Christe

Christi  
mussen  
eine s  
chten  
mussen  
Christi  
woinn  
geist/  
sind /

te/De  
schne  
wein/  
wenn  
da loh  
seine  
get y  
heist  
wie si  
deine  
het w  
der w  
gelij  
Joha  
proph  
doch  
predi  
viel n  
stus  
haben  
nige  
sehete

Christen/ob sie wol an leyb/ gut/vnd ehre cufferlich leiden  
mussen vmb Christus willen/Denn der grosse hauffe dem es  
eine schlechte freude ist/vnd der teuffel wird wol so viel anri  
chten/das die Christen cufferlich/sich an gut/vnd ehre nicht  
mussen frewen/ Also hatts Jesaias beydes troffen/ wie die  
Christenheit stehe zu gleiche ym leyd vnd lust/ym wehe vnd  
wonne/ym vnfride vnd fride/weil sie fur Gott frolich ist ym  
geist/vnd doch den vnglenbigen vnd dem teuffel ein greuel  
sind /den sie nicht leyden konnen.

Er setzt auch ein gleichnis von der freude ym der ernd  
te/Denn ym herbste ist die groste freude ym iar/da man ein  
schneyt vnd einfuret allerley fruchte vnd genies des lands/  
wein/korn/ole/feigen/obs/vnd des gleichen an zal/sonderlich  
wenn es wol geraten ist/ Da heyst es der reiche herbste/Denn  
da lobnet das land den leuten/die es gebawet haben/vnd gibt  
seine zinse vnd fruchte/fur die muhe des gantzen iares/Da sin  
get yderman vnd ist frolich/uber dem einsamlen. Darumb  
heist auch die schrift den herbste/des iars ende oder ausgang/  
wie sie spricht/Exo .23. Wenn du ym ausgange des iars alle  
deine fruchte hast eingesamlet/denn bald nach der erndte ge  
het wider an die arbeit mit pflügen vnd zurichtung/das wid  
der wachsen sol zur andern erndte/Also ist die zeit des Euang  
gelij auch eine geistliche erndte/wie es Christus selbst deutet  
Johan .4. Sehet an/wie ist das land so weis zur erndte. Die  
propheten so zu vor gewesen sind/haben das land gebawet. Aber  
doch nicht die erndte erlebt/das ist/sie haben das gesetz ge  
predigt/von Christo verkündigt/vom Euangelio geweißagt/  
viel mühe mit dem volck vnd der schrift gehabt/auff Chris  
tus zukunfft zubereiten. Aber die zeit/da es geschehen solt/  
haben si nicht erreicht/wie Christus abermal sagt/Viel kö  
nige vnd propheten hetten gerne gesehen vnd gehört/das yhr  
sehet vnd höret/ Aber sie habens nicht gesehen noch gehört.

B ij. Wyr.

ng der ehre  
et recht an.  
d wesen zu  
ht/so helfft  
vidderumb  
also zuletzt  
folgern des

lich/  
der  
st/

awoben/da  
het. Sie ist  
droben ge  
ey/das der  
gesagt/ du  
de/sondern  
e weise ge  
ist/grosser  
nd spricht  
t ist schle  
grosse freu  
d wehnen  
e ym reich  
m creutze  
gedrengte  
h bey den  
Christe

Wir aber/das ist die Apostel vnd alle glaubigen/haben  
das Euangelion empfangen vnd sind ynn die erndte komen/  
das wir einsamen alle fruchte des Euangelij/das ist/den hei-  
ligen geist mit allen seinen gaben/ daran wir so reich sind  
worden/das wir haben gnade vnd vergebung der sünde  
ewiglich/dazu erlöschung vom tod/hirschafft vnd gewalt vber  
er teuffel vnd alles vbel/Vnd kurtzlich/ alles guts die fulle  
vnd vberflus/auffs aller reichlichst/das es wol Sanct Pau-  
lus/vnaußprechliche gueter vnd vberschwengliche reichthume  
nennet ynn Christo/Das ist der rechte/reiche herbst/der bo-  
den vnd fas fullet. Zu dem haben vns gedienet vnd geerbeitet  
die lieben propheten/mit yhrem ampt/das sie von solcher zeit  
vns haben verkündigt/vnd das volck dahyn geweisert vnd ge-  
troestet/An wilchen wir auch haben starck zeugnis zu vnserm  
glauben/Wie S. Pet. spricht/Sie habens nicht yhn selbst/  
sondern vns dargethan/was sie von Christo verkündigt ha-  
ben. Vnd gehet nu hie recht das sprichwort/Einer seet/der an-  
der erndtet/wie Christus selbst spricht. Johan. 4. Ihr seid ynn  
iener arbeit komen/Gleich wie das volck Israel auch kam ynn  
das land Canaan/das sie nicht gebawet hatten/sondern wie  
geschriben steht Psal. 105. Sie haben der volcker arbeit einge-  
nomen/Vnd Mose/ym Deuterono. Gott wird dir stede ge-  
ben/die du nicht gebawet hast/Ecker/die du nicht beset hast  
2c. Das ist nu die rechte grosse freude/solche grosse guter erken-  
nen vnd haben/vnd Gott darüber dancken/loben/predigen  
vnd singen. Aber wie wol solchs alles der gantzen welt wird  
furgetragen/weil es doch wenig erkennen vnd annemen/so  
sind auch wenig die sichs freuen leyder/Denn die guter sind  
zu gros vnd zu hoch.

Die ander gleichnis ist von dem sieg noch dem streit/  
wenn man die beute austeilet vnd auch reich wird. So viel  
der streit ferlicher ist vnd sawrer wird/yhe lieblicher vnd frö-  
licher der sieg vnd die ausbeute ist/Da ist ein froliche heym-  
fart/

fart/ein  
vnd erb  
ist spott  
freuden  
Gott/d  
saiia sch  
hernach  
denn er  
Krafft v  
ausben  
bens/d  
vergeb  
Das m  
vnd v  
vnd bo  
zu feld  
stunde  
heubten  
vns ein  
heubtr  
gum i  
sie den  
bis der  
so best  
sunde  
M  
wund  
sind v  
teilen  
Euang  
vns v  
meher  
ist v



fart/ ein tauchzen/ rhumen/ singen vnd sagen/ von der fahr  
vnd erbeit des streites/ vnd vom gluck vnd heil des siegs/ Da  
ist spott vnd sprichwort von den feinden/ Vnd ist das land  
freunden voll. Viel mehr gehets so zu ym geistlichen sieg fur  
Gott/ da die sunde/ tod vnd teuffel uberwunden ist. Aber Jes  
saia schweigt des sieges/ vnd sagt von der ausbeute/ denn bald  
hernach wird er vom sieg sagen/ vnd wes der selbige sey/  
denn er ist nicht vnser/ das wir yhn hetten erobert/ sondern die  
krafft vnd die frucht des sieges ist vns gegeben/ das ist/ die  
ausbeute/ welche ist das heilige Euangelion/ das wort des le  
bens/ das bringt vns die frucht des sieges Christi/ nemlich/  
vergebung vnd erlosunge von den sunden/ wie gesagt ist/  
Das macht rechte froliche/ sichere/ freydige hertzen zu Gott/  
vnd vnerschrockene widder den teuffel vnd alle seine macht  
vnd bosheit/ Denn zumor ehe Christus kam/ vnd die propheten  
zu felde lagen mit Gottis wort/ war noch kein sieg da/ Sie  
stunden wol da vnd hielten drauff bis das der rechte feld  
heubtman keme/ vnd sich mit der sunden/ tod vnd teuffel/ fur  
vns einlegt/ vnd gewonne vnd behielt das feld/ Sonst on den  
heubtman gieng es zu/ wie es dem volck Israel gieng 1. Ke  
gum 17. da sie zu felde lagen widder die Philister/ aber wenn  
sie den Risen Goliath sahen/ so flohen vnd furchten sich alle/  
bis der rechte kempfer Dauid kam/ vnd behielt den sieg. Eben  
so bestehen auch wir/ wenn wir on Christo/ sollen widder die  
sunde vnd tod fechten.

Aber nu vnser Dauid den tod mit den sunden hat uber  
wunden/ da fur wyr vns ymer furchten vnd fliehen musten/  
sind wir nu frolich vnd sicher/ singen vnd sind guts muts/  
teilen die beute mit freunden aus/ das ist/ wir verkundigen das  
Euangelion/ loben vnd dancken Gott/ trosten vnd stercken  
vns vnternander vnd sagen. Sey frolich/ dir kan niemand  
meher schaden thun/ die sunde ist weg vnd vergeben/ der tod  
ist vberwunden vnd aller zorn vnd vngnade auffgehoben/  
hie

n/haben  
e komen/  
t/den bet  
reich sind  
der sunde  
walt vns  
die fulle  
ict Pau  
reichthume  
t/der bo  
geerbeitet  
lcher zeit  
et vnd ge  
u vnserm  
hn selbs/  
ndigt ha  
et/der an  
r seid ym  
kam ym  
dern wie  
beit einge  
tedte ge  
eseet hast  
uter erken  
predigen  
ellte wird  
nemen/so  
uter sind  
m streit/  
So viel  
vnd fro  
he heyme  
fart/

Wie ist eytel gnad vnd fride/der teuffel ist matt/sein reich ligt darnydder/wie. S. Paulus thut. 1. Cor. 15. Tod wo ist deine stachel: Helle wo ist dein sieg: Aber Gott sey gedanckt/der vns den sieg gegeben hat durch Ihesum Christum vnsern herrn/Mit solchen worten (spricht er) troestet euch vnterinander. Tu Jesaia wird selbs weiter reden von dem streit vnd sieg/dadurch das Euangelion zur ausbeutte vnter vns geteilet wird zur ewigen freude/ den las hören.

**Denn das ioch yhrer last/ vnd  
die rhute auff yhrer schulder/  
vnd den stecken yhres trey-  
bers hastu zubrochen/wie zur  
zeyt Adidian.**

Diesen ort/halt ich wol/kan niemand bas auslegen denn Paulus 1. Cor. 15. wie wir itzt angezeigt haben/da er spricht/Tod wo ist deine stachel: hell wo ist dein sieg: Aber die funde ist des todes stachel / Vnd das gesetz ist der sunden krafft. Da erzelet auch S. Paulus dreyerley die Christus vberwunden/vnd vns dauon erlöset hat/als/Tod/Sünd/Gesetz/gleich wie auch Jesaia dreyerley erzelet/die Gott vberwunden hat/auff das er vns frölich vnd sicher für yhm machte/Tu wollen wir sehen/wie sich Jesaia mit S. Paulo reymen will/Denn er kan von keinem andern reden/denn da. S. Paulus von redet / Syntemal Gottes volck keinen andern fride noch freude haben kan/on wo diese drey stücke vberwunden sind/tod/sünd/gesetz/Vnd wenn diese drey stücke blieden/so hulffs vns nichts/obs möglich were/das vns Gott alle ding gebe vnd gleich ym hymel setzet. Wer kan frölich vnd zu friden

den se  
sich ha  
heit d  
man  
dunge  
glich  
Christ  
der de

Tu  
das is  
ausbe  
haben  
ioch y  
res io  
fleuch  
ten vn  
als de  
vnd g  
nicht  
ist an  
parad  
den e  
ruchl  
de/der  
nicht  
San  
hette  
künd  
were  
were  
ten/

den sein/der den tod/sund vnd gesetz vber sich vnd widder  
sich hat vnd fület: Es mus yhe leben/gut gewissen vnd frey-  
heit da sein/wo freude sein sol/ Tu aber Jesaia spricht /das  
man sich für Gott frewe/durch der dreyer stücke vberwinn-  
dunge vnd erlösung/zwingt des glaubens verstand gewaltig-  
lich genug/das er eben mit. S. Paulo stimmt/wolcher die  
Christen auch mit solchem sieg tröstet vnd trösten heyst/wid-  
der den Tod vnd sund/vnd gesetz.

Tu/das erste ist das ioch yhrer last/Yhrer (spricht er)  
das ist dere/so sich für yhm frewen wie ynn der erndte vnd  
ausbeute/die das Euangelion erkennen vnd annemen / die  
haben yhrer freuden die erste vrsachen/das Christus hat das  
ioch yhrer last zubrochen/wilchs ioch ist der tod/ Ein schwe-  
res ioch vnd vntregliche last/da sich yderman für fürcht vnd  
fleucht/vnd doch nicht entfliegen kan/sondern mus her hal-  
ten vnd leyden. Ich rede aber von dem todte den man fület/  
als der ist/da sich das gewissen für entsetzt vnd Gotts zorn  
vnd gericht drynnen fület vmb seiner sunde willen/das ist  
nicht anders/denn der tod so noch hirschet vnd bey krefft  
ist außer Christus reich/wie yhn fülete Adam vnd Hava ym  
paradis/vnd Dauid/da er von Nathan gestraffet ward vmb  
den ehebruch/ Da ist nichts denn eitel ewiges sterben/ Die  
ruchlosen aber/werden solchs todts nicht gewar/bis an en-  
de/denn sie gehen dahin vnd fülen keine sunde/weil sie die  
nicht fülen/so fülen sie den tod auch nicht/Darumb spricht  
Sanct Paulus/die sunde sey des todes stachel/das ist/der tod  
hette keine macht noch recht/keine schneyte/keine spitze/vnd  
künde nicht durch dringen/wenn vnschuld vnd keine sunde da  
were/Wen wolte er tödten/wo nicht vrsache vnd schuld da  
were: Ein gut gewissen kan sich auch nicht für yhm fürch-  
ten/Es weis auch von keinem stachel/ krafft odder recht des  
C tods

reich ligt  
o ist deine  
danck/der  
um vnsern  
ich vnter  
dem streit  
e vnter vns

vnd  
der/  
ey-  
zur

auslegen  
n/da er sp  
Abber die  
der sunden  
ristus vber  
d/Gesetz/  
vberwinn  
n machte/  
lo reymen  
t. S. Pau  
dern fride  
erwunden  
blieben/so  
t alle ding  
vnd zu fr  
den

tods/Aber wo sinde da ist/da dringet er durch vnd ist mecha-  
tig/denn das sundige gewissen mus yhm raum geben vnd ia-  
dazu sagen/es hats verdienet/darumb fureht sich das sundi-  
ge gewissen so greulich fur dem tod/denn es fület des todes  
stachel, das ist/die sinde ynn sich/vnd kan yhm nicht weren.

Das ander ist/Die rhute auff yhrer schulder/Das ist die  
sunde/die den tod mechtig vnd scharff macht/wie gesagt ist/  
Dem der tod kan nicht vberwunden sein/wo die sinde nicht  
vberwunden wird/Vnd ist nicht möglich/das tod on sinde  
odder sinde on tod sein solte/darumb auch der tod vber Chri-  
stum nicht bleiben kund/ob er wol eine zeit yhn hielt vmb vns-  
ser willen/denn ynn Christo war keine sinde/on allein vnser  
sunde/die er auff sich nam/Also auch kan er nicht bleyben  
vber den Christen/weil sie nu gerecht sind ynn Christo vnd  
keine sinde haben/ob er wol eine kurtze zeit sie auff hielt.  
Denn das heist meisterlich den tod vnd sinde vberwunden/  
Nicht das man sie mit gewalt balde ym augenblich weg thu-  
vnd nymer füle/sondern das man yhn zu erst das recht vnd  
macht nympt/vnd verdampft sie mit vrteil vnd recht/das sie  
sollen zu nichte werden/Ob sie nu ynn des noch toben vnd sich  
fülen lassen/ehe sie zu brochen werden/da ligt nicht an/das  
vrteil ist doch vber sie gangen/das sie des kein recht noch  
macht haben/sollen aber vnd müssen bald auff hören vnd  
yhr ende haben/Gleich wie man eym mechtigen feinde thut/  
wenn er gefangen ist/thut man yhn nicht so balde abe/son-  
dern lest yhn leben bis er fur gericht verdampft/vnd als denn  
durchs vrteil getödtet wird/Tu sein leben/das er lebt ym ge-  
fengnis ist auch ein leben/Aber ein arm leben/das nu widder  
recht noch macht hat zu schaden/zu hirschen/zu drucken seine  
widderfacher/sondern ist verwaret zum tode. Vnd lebt nu  
nicht mehr das er hirschen solle/sondern das er verdampft vnd  
abgethan werden soll.

Also

Also  
gewon  
siegen  
Du bil  
fangen  
sie ver  
macht  
bald n  
durch  
noch r  
pt/vn  
nen ni  
bald y  
nu/ob  
sie/so  
vnd y  
vnd z  
Gleich  
kurtze  
so doc  
vnd b

I  
branch  
mach  
wol n  
Sanc  
sonde  
als so  
kleine  
stache  
lieber

Also gehets dem tod vnd der sunden auch/Christus hat sie  
gewonnen vnd gefangen/das sie nicht mehr hirschen odder  
siegen komen vber vns/wie zumor/als des.67.Psaln spricht/  
Du bist ynn die hohe gefarn vnd hast gefangen die so vns ge  
fangen hatten/Vnd lest teglich das recht vnd vrteil gehen vnd  
sie verdammen durchs Euangelion/als die kein recht noch  
macht vber vns haben/sondern auff horen vnd yhr ende sollen  
bald nemen wie er spricht .Ro .8. das Christus habe die sunde  
durch sunde verdampft/Das iemige nu vnd vbrige/das sie sich  
noch regen vnd fulen lassen/ist nichts/ Denn sie sind verdam  
pt/vnd haben das recht vnd die hirschaftt verloren vnd kon  
nen nicht schaden. Vnd ist nicht mehr da/denn das sie sollen  
bald yhr ende entpfahen vnd auff horen. Was schadets mir  
nu/ob ich den tod odder sunde fule ein kleine zeit/als hirschet  
sie/so ich weis/das sie nicht hirschen/sondern verdampft sind/  
vnd yhr regen vnd fulen nichts anders ist/ denn ein zappeln  
vnd zittern fur yhrem galgen/da sie sollen abgethan werden :  
Gleich widerumb/was hilfftes die/ so die sunde vnd tod ein  
kurtze zeit nicht fulen/als sey der tod mit gewalt weg gethan/  
so doch beide sund vnd tod recht vnd macht vber sie behelet  
vnd bald vber sie komen vnd ewiglich hirschen wird :

Das ist/s das beide Jesaia vnd Paulus solcher wort  
branchen/die da anzeigen/wie sund vnd tod/das recht vnd  
macht verloren haben/vnd bald yhr ende haben sollen/ob sie  
wol noch ein kleine zeit sich regen/als hirschet sie/Denn  
Sanct Paulus spricht nicht/Tod wo bistu : Helle wo bistu :  
sondern also/Tod wo ist dein stachel : Helle wo ist dein sieg :  
als solt er sagen/ Lieber tod vnd helle/yhr seit wol nach ein  
kleine zeit da/doch nicht lange/Aber das recht/macht/sieg/  
stachel vnd alle krafft habt yhr verloren/zornig seyt yhr/aber  
lieber beiße mich nicht/versenget vns die rüben nicht/Ich  
füle

C ij

füle euch wol/Aber ich fürcht mich nicht für euch/denn yhr  
künd nicht mehr/vnd musset dazu auch balde an gen galgen  
vnd zu nichte werden. Gleich wie die juden Christus am creutz  
spotteten/als hette er alle macht vnd krafft verloren/musste da  
zu bald sterben/Also hat sichs vmbgeteret/das wir der sün  
den vnd dem tod trotzen/spotten/hönen vnd lestern/als die  
wir gewis sind/das sie nichts mehr können/sondern müssen  
herhalten/Derhalben ist der tod vnd sunde bey den Christen  
so verdampft vnd hangen am creutze/das yhr vbriges wesen  
yhnem zu nichts dienet/denn das sie müssen hören/wie sie ver  
spottet vnd verlestert werden. Tod/wo ist dein stachel? Hell/  
wo ist dein sieg? So mechtig/als yhr gewesen seyt/so anmech  
tig seit yhr nu/psu vnd vach yhr grossen Risen tod vnd sun  
de/wie greulich habt yhr ym der welt gehirschet/vnd yders  
man getrotzt vnd geplagt/Hui nu/steig nu vom creutze/Seyt  
yhr Risen vnd grosse Herr/Wolan so beweiset doch mit  
eyn finger/Da hanget yhr an dem Creutz Christi vnd müst  
bald dran sterben/vnd er den yhr dran hienget/ist los davon  
worden mit vns allen die wir an ym hangen/So gehts dem/  
das Salomo spricht/Der gerecht ist los worden/vnd der got  
los ist an seine stat gehengt.

Also redet auch Jesaia von der sunden vnd tod/nicht  
schlechter weise/sondern wie sie gehirschet haben vnd das die  
selbige hirschafft/das ist/yhr macht/recht vnd krafft zu bro  
chen sey/Denn er spricht nicht schlecht/yhre last/sondern das  
ioch yhrer last/Nur dem ioch zeigt er an/wie wir sind dem tod  
vnter worffen geweest/seine last zu tragen/vnd er vber vns ge  
hirscht hat/gleich wie ein baur vber sein thier/das er yns ioch  
knupffet vnd last auff ledet/als ein Herr des thieres das ym  
ioch gefangen vnd gebunden ist/Denn die last/so einer frey  
willig von sich selbs auff sich nympt/heist nicht ein ioch der  
last/sondern schlecht eine last. Aber ioch der last/odder last ym  
ioch

ioch b  
gezwo  
ssen d  
tod v  
sunde  
Christ  
der to  
auffh  
rhute  
die sün  
odder  
schleg  
rhute  
ist/w  
nicht  
vnd v  
tods v  
ist h  
last zu  
dem t

2  
wie p  
aber  
bart  
den/v  
werd  
neme  
die s  
cht/d  
gleich  
der la

ioch begreiffte mit sich ein vnterworffen wesen/ darynn eins  
gezwungen wird die last zu tragen/ Also haben wir auch mus-  
ssen den tod/ die schwere last/ tragen/ gezwungen/ als die dem  
tod vnd seiner gewalt vnd recht vnter worffen sind/ durch die  
sunde vnd er vber vns hirschet/ Aber die hirschaft hat vns  
Christus zubrochen/ vnd von solcher gewalt erlöset/ ob wol  
der tod noch eine zeit/ auff vns ligt/ doch on alles recht/ bis er  
auffhöre. Also laut auch das/ da er nicht schlecht spricht/ Die  
rhute/ sondern die rhute auff yhrer schulder/ als solt er sagen/  
die sunde ist nicht eine schlechte rhute/ die man williglich tregt  
odder auff die achsel legt/ sondern man treibt damit/ vnd  
schlegt vns auff die schulder/ die last zu tragen/ also das diese  
rhute eine hirschaft ist/ vnd wir vnter than/ Denn wie gesagt  
ist/ wo die sunde nicht vber vns hirschete/ so kund der tod auch  
nicht vber vns hirschen/ Tu aber die sunde vber vns hirschet/  
vnd wir yhr vnterworffen vnd gefangen/ sind wir der last des  
tods wol feind/ vnd wolten der gerne on sein/ Aber die sunde  
ist hinter vns/ als die rhute/ vnd treibt vnd zwingt vns die  
last zutragen/ das ist die sund treibt vns/ das wir sterben/ vnd  
dem tod vnter worffen sein müssen.

Das dritte/ ist der stecke des treibers/ das ist das gesetz/  
wie Paulus sagt/ das gesetz ist der sunden krafft/ Ich rede  
aber vom gesetz geistlich verstanden/ wenn es die sunde offen-  
bart. Roma. 3. vnd 7. durchs gesetz kompt erkentnis der sun-  
den/ vnd nicht fleischlich/ wenn es heuchler macht/ durch die  
werck Roma. 2. Denn wilche das gesetz nicht geistlich ver-  
nemen/ die fülen auch nicht die rhute auff der schulder/ das ist  
die sunde/ Die rhute ist wol da/ aber sie druckt yhre schulder ni-  
cht/ das ist/ sunde haben sie/ aber sie fülen vñ achten yhr nicht/  
gleich wie die last/ das ist/ der tod ist auch da/ Aber das ioch  
der last haben sie nicht/ denn sie fülen nicht/ wie sie der tod vn-

C ij tersich

ter sich hat/ vnd vber sie regirt. Also hie auch/ Der stecke ist wol  
da/ aber sie hören die stymme des treibers nicht/ das also auch  
zweyerley sey/ der stecke/ vnd der treiber/ gleich/ wie die rhute  
vnd auff der schulder liegen zweyerley ist/ vnd das ioch vñ die  
last/ Denn wir haben alzumal den tod/ die sünde/ das gesetz/  
Aber wir fülen nicht alle den stachel vnd den sieg/ das ist/ die  
krafft vnd hirschafft des tods/ der sünden/ des gesetzts vber  
vns/ bis das stundlin kome. So ist nu der stecke das gesetz/  
der treiber ist sein gewalt vnd hirschafft/ Denn wo kein gesetzte  
nicht were/ so were auch keine sünde/ Tu aber das gesetzte da  
ist/ wolten wir wol gerne der sünden los sein/ Aber wir kon-  
nen nicht/ denn das gesetzte ist da/ vnd treibt/ iagt/ vberzeuget  
vnd vberwindet vns/ das wir sunder sind/ vñ zwinget vns als  
so mit gewalt/ vnter die sünde/ da ist die stymme des treibers/  
das ist/ die hirschafft vnd gewalt des gesetztes vber vns/ die  
vns der sünden knecht macht/ denn darumb heisse des gesetztes  
krafft/ ein treiber oder auffsetzer/ Extractor/ das es ymmer von  
vns foddert gehorsam/ lest auch dem gewissen für solchem  
foddern vnd treiben keine ruge/ Tu wir denn solchem foddern  
nicht mügen gnugethun/ noch gehorsam leisten/ so treibt er  
vns so bald vnter die sünde/ vnd vrteilt vns für knechte der sun-  
de/ die sünde aber gibt vns denn also balde dem tode/ Da lie-  
gen wir denn als gefangene knechte/ vnter tod/ sünd vnd ges-  
setze/ das ist/ vnter dem ioch der last/ vnter der rhuten auff der  
schulder/ vnter dem stecken des treibers,

Da sehen wir/ das Jesaia seine rede genommen hat/ von ein-  
esel treiber odder sonst eym grausamen tyrannen/ Denn da ist  
last/ rhute vnd treiber vber das arme thier. Tu der last weren  
wir gerne los/ Aber wir sind ym ioch gefangen/ das ist/ des to-  
des krafft vnd hirschafft helt vns/ das wir müssen seine last  
tragen vnd yhm vnterthan sein/ Also der rhuten weren wir  
auch

auch ge  
sünden  
hat/ D  
ist hunte  
Also ha  
net/ Vn  
yhn vn  
en sie a  
folget/  
ses/ Vn  
leine d  
Vnd d  
vnd sin  
er/ du h  
müssen  
Der let  
sünde  
Sund  
verlor  
ffen an  
das es  
dern v  
stum v  
frey w  
wolte  
sein tr  
recht  
gleich  
vnd t  
weiter



auch gerne los/ Aber sie ligt vns auff dem halse/das ist/der  
sunden macht vnd hirschafft/die vns mit gewalt vnter sich  
hat/ Des steckens weren wir auch gerne loss/ Aber der treiber  
ist hinter vns/das ist die stymme vnd krafft des gesetzes.  
Also haben wir nu/was Jesaia mit diesen dreyen stücken mei-  
net/Vnd das wir sie nicht zubrechen konnen/sondern müssen  
yhm vnter than sein/vnd sie lassen vber vns hirschen/ Hirscha-  
en sie aber/so müssen wir thun/was sie wollen/Daraus denn  
folget/das wir kein guts zuthun vermügen/sondern eitel bö-  
ses/Vnd das kein frey wille da sey/Christus aber ist/der alle  
leine diese stücke vberwinder durch sich selbs/fur vns alle/  
Vnd die fröliche beute austeillet/das wir ledig vnd los/loben  
vnd singen ym allen freunden vnd sicherheit/Von dem spricht  
er/du hast zubrochen 2c. Wie zubricht er sie? Also/das sie  
müssen auff hören/wie Paulus vom tod spricht 1. Corinth. 15.  
Der letzte feind der tod wird zubrochen werden/ Also ist die  
sunde auch zubrochen/ Aber wie ist das gesetz zubrochen?  
Sunde vnd tod/wie gesagt ist/haben yhre krafft vnd recht  
verloren/das sie vns nicht mehr vnter sich haben/Vnd müs-  
sen auch gar auff hören/ Aber das gesetz ist also zu brochen/  
das es nicht mehr treibet/vnd werden frey von seinem foda-  
dern vnd treiben/damit/das wir yhm gnugthun/durch Chri-  
stum vnsern herrn/Vnd leben nu vnd thun aus dem geist alles  
frey willig/was das gesetz vns abtreiben vnd abzwingen  
wolte/ Derhalben durffen wir keins gesetzes mehr/Vnd weiß  
sein treiben vnd foddern ab ist/ so ist auch alle seine macht/  
recht vnd ursache ab/Vnd leben/als die kein gesetz haben/  
gleich/wie ein gesund mensch lebt/isset vnd trincket on gesetz  
vnd treiben/das er keins gesetzes dazu darff/Daunon magstu  
weiter ym der postillen vnd andern buchlin lesen.

Solget weiter

Wie

## Wie zur zeit Midian.

Zie mus man wissen die schöne treffliche geschicht ym buch von den Richtern geschrieben/ am . 7 . Capitel/ wie die Midianiter/ Amalecker vnd Morgenlender/ das land Israel veruusten/ vnd die kinder Israel für yhm flohen/ Vnd wie Gideon aus Gots befehl sie schlug/ on schwerd durch posanen vnd lampen/ das sie sich selbs erwürgeten vnd flohen. Denn ym der geschicht ist furgebildet der sieg/ den Christus an den dreyen feinden behalten hat/ vnd wie noch mit yhm teglich alle seine Christen den sieg behalten/ auch on schwerd. Denn darumb hat Jesaias so eben wollen diese geschicht zum exempel ein führen/ das er anzeiget/ mit wasserley krafft Christus habe diese drey stücke odder feinde subrochen vnd überwunden/ Es were aber die geschicht zu lang alle zu erzelen vnd deuten/ Wer sie wissen wil/ mag sie lesen. Das ist die summa davon/ das Gideon solchen sieg ym grosser schwachheit vnd vntrefften erobert/ denn es war yhm feind seine eigene burger vnd brüder/ die er hatte erzurnet/ das er den Altar Baal zu brach/ so sie doch die furnemesten solten mit yhm gewesen sein/ Darnach der andern fielen von yhm/ zum ersten .xxij. tausent man/ darnach zehen tausent/ vnd blieben nur dreyhundert man bey yhm/ Mit den solt er der feinde heer gewynnen/ wilcher war bey hundert vnd funff vnd dreyssig tausent man gerustet zu feld. Es hette sein hertz wol mochte zu tausent mal verzweiffeln vnd stockhart verzagen/ Was war solch verlassen heufflin gegen solche gewalt? Nichts/ Wie viel werden sein gespottet haben/ wie die burger zu Suroth vnd Puel theten/ als were er ein vnynniger narr/ der solch vnmüglich ding fürneme/ vnd die leute mit sich ym die fare gebe / Da hat sein hertz must sagen mit S. Paulus/ Wenn ich vntreffig bin/ so bin ich am treffigsten/ denn krafft wird ym vntkrafft volkomen. Solcher glaube schlug die Midianiter on schwerd. Also

20  
seinem  
war/d  
wenig  
sund/g  
liche k  
krafft  
erste v  
drey h  
ling/d  
sten th  
Midia  
beut d  
dem se  
auffer  
Also d  
verdan  
war zu  
die sun  
vnd es  
zum su  
verfluc  
recht z  
yhm v  
vnd v  
stüc

Also ist Christus auch schwach vnd zu spott worden ym  
seinem leyden / das vnnützlich vnd vngleichlich anzusehen  
war / das er solte damit etwas ausrichten / Aber nichts desto  
weniger behielt er ym solcher vnkrafft den sieg wider / tod /  
sund / gesetz / hell / teuffel vnd alles vnglück / on alle menscha  
liche krafft vnd waffen / gleich wie Gideon ym seiner vn  
krafft den drey völkern oblag / Vnd gleich wie Gideon der  
erste vnd das heubt war / die Midianiter zuschlahen / vnd die  
drey hundert man yhm nach / Also ist Christus auch der erst  
ling / der sund vnd tod vberwunden hat / vnd die andern Chris  
ten thuns teglich yhm nach vnd mit yhm. Das aber die  
Midianiter sich mit yhrem eigen schwerd mussten todten / bez  
eut das / das der tod / der Christum wolt erwurgen / eben mit  
dem selben wurgen sich selbs erwurget hat / denn Christus ist  
aufferstanden vnd hat den tod ym seinem tod verschlungen /  
Also die sund auch / die auff yhm lagen / wolten yhn zum tod  
verdammnen vnd des todes stachel sein. Aber seine vnschuld  
war zugros vnd verdampft die sunde durch sunde Ro. 8. das  
die sunde sich so an yhm versündigt hat / das sie mus sterben  
vnd tod sein. Das gesetz treib yhn auch vnd macht yhn  
zum sunder / weil er drunder war / vnd musste nach dem gesetz  
verflucht sein / wie alle erhengete. Gal. 3. Aber weil es kein  
recht zu yhm hatte / vnd er nichts schuldig war / geschach  
yhm vnrecht / vnd treibt er nu wider das gesetz / das es sund  
vnd vnrecht hat / vnd mus auch sterben / Was die ander  
stücke diser geschicht bedeuten / da wurde wol ein sonder

lich buch aus / so reich / vol vnd fein ist sie / Aber

wir lassens hie bleiben bey dem

hüchsten stück der

deutung / die

Christi

um

an gehet auff Jesaia meinunge.

D

Dem

Denn aller krieg der mit  
vngestum zu gehet vnd  
blutig kleid / wird ver-  
brand durch feur verze-  
ret werden.

Wie Christus seinen sieg on schwerd vnd leybliche krafft  
hat behalten / hat er itzt gesagt aus dem exempel Gideon / Sie  
weissagt er nu / das solchs werde die newe weise sein zu krie-  
gen ym konigreich Christi / darynnen wird kein leyblicher kri-  
eg sein / noch einer fur den andern kriegen / noch einer dem an-  
dern bey stehen / sondern ein iglicher mus alleine fur sich selbs  
durch den glauben vnd geist / wie Christus / den tod / sund vnd  
gesetze iberwinden / vnd thar sich kurtz vmb auff niemand  
verlassen / on auff Christum / Alleine mus er stehen / denn er  
kan nicht wissen / wer glenbig odder vnglenbig sey / Drum  
ists ein wunder streiten ym der Christenheit / das ein einzeler  
mensch / sol stehen widder alle tennffel / widder die gantze welt /  
widder tod / sund vnd gesetzes / vnd dennoch den sieg behalten.  
Das wil nu hie Jesaia sagen / Es werde hinfurder vnter den  
Christen solcher krieg nicht mehr sein / der mit rumor vnd  
waffen zu gehe / da es blut vnd blutig kleider macht / sondern  
Christus einiger sieg wird das feld behalten ym alle den sei-  
nen / vnd wird der streit so zu gehen / das man leyde / vnterlige  
vnd vnereffrig sey / das ist ein geistlich krieg sols sein / Das  
also diese wort eben wollen / das Jesaia an andern ort als  
Cap .ij. vnd xi. also sagt / Sie werden nicht mehr einer wid-  
der den andern das schwerd auff heben / noch furder kriegen  
lernen / sondern werden yhre schwerdte ym sicheln / vnd yhre  
spieße ym pflugchar wandeln / Denn Christus reich sol ein  
reich des frides sein / wie folgen wird.

Das

D  
Kleid 2  
en vn  
platze  
leyblic  
vnd si  
ein sel  
mit v  
fur di  
drum  
klippe  
gehet  
ist ein  
wil / d  
lern  
ben /  
vnd r  
aber  
leyden  
folgen  
still v  
thet /  
tod / te  
Y  
sprich  
streit  
ben /  
sten s  
miste  
vnd s  
brich  
feur /  
mach

Das er nu sagt / Aller krieg mit vngestüm vnd blutig  
Kleid zc. sihet er auff zweierley kriege / Einer gehet zu mit stech  
en vnd brechen / mit harwen vnd schreyen / mit possen vnd  
platzen / vnd mit blutvergiessen auff beiden seiten / das ist / ein  
leyblicher krieg. Der ander gehet zu / mit stillhalten / leyden /  
vnd sich gar nicht regen / auch nicht den mund auff thun / wie  
ein schaff auff der fleischbang / Dem mit dem wort / Krieg  
mit vngestüm / malet er ab vnd stellet gleich eine felt schlacht  
für die augen / da sichs alles reget vnd weget / da geht die  
drummel / hie die drometen / da rufft man / hie das ros / hie  
klappts / do klappts / hie blickt schwerd / da glentzt spies / vnd  
geheth wust ym ein ander / da fleust blut vber kleider / vnd  
ist ein gewolich ansehen / Wer was stilles vnd friedlichs sehen  
wil / der darff keym kriege zu sehen / Aber solcher vngestümer  
lern vnd krieg / sol man ym der Christenheit nicht mehr ha  
ben / das feur des heiligen geists / sol solchs alles verzeren  
vnd rein auffessen / auff das eitel fride vnter yhn sey / Ist  
aber vnfride / das sie den nicht anrichten / sondern von andern  
leyden still vnd gedultig / vnd also yhrem heubt Christo nach  
folgen / der auch also gestritten hat geistlich / das er eusserlich  
still vnd fridsam war / gedultiglich erleyd alles was man yhn  
thet / vnd gewan doch damit alles / vnd behielt den sieg vber  
tod / teuffel / helle vnd alles.

Vnd man mus sich solcher rede nicht wundern das er  
spricht / feur sol verbrennen vnd verzehren solchen leiblichen  
streit / Dem mit solchen worten wil ers eigentlich beschreis  
ben / wie vnd durch was der eusserlich krieg vnter den Chris  
ten sol auff hören. Vnd er folget ym dem gleich dem psal  
misten / der auch also sagt von diesen sachen psal. 47. Herzu  
vnd schawet / was für wunder der herr auff erden thut / Er zu  
bricht bogen vnd zuschlecht waffen / vnd verbrent schilde mit  
feur / Das feur ist ein starck element / wie man spricht / Es  
macht alles zu asschen / vnd was es verbrennet / das kompt

D ij nicht

Das

nicht widder/ Das widder wasser/lufft noch keine creatur so  
thut/ Vnd wenn man auch etwas will rein aus/rein ab/rein  
durch machen/so nympt man feur dazu/ Das Got auch selbs  
die gantze welt/hymel vnd erden am Innsten tage wil mit  
feur segen vnd reynigen/Also sol des heyligen geysts feur (wel  
chs ist die christliche liebe) allen Streit vnd vrsachen des strei  
tts gantz rein/ab vnd weg thun/das nichts dauon vbrig blei  
be/vnd ewiglich nicht widder kome.

Dem das man krieg vnd hadder mit gebotten weret/oda  
der mit gewalt steuret/das ist nicht werhafftig noch ewig/  
weyl der kriegische mut nicht verendert wird/ Man findet  
allwege zeit vnd raum/hadder vnd krieg anzufahen/ehe  
dem es die gewalt weren kan/darumb kan man ynn der welt  
regiment/krieg vnd hadder nicht mit feur verzehren vnd gar  
auffheben/das sicher vnd bestendiger friede sey/wie man  
spricht/Ich kan nicht lenger friede haben/den mein nachbar  
will. Aber das ist das rechte meister stueck ewiglich sicher frie  
den zu halten/das Christus ynn sein reich braucht/ Neme  
lich/das er die hertzen eines macht/vnd nicht mit gebotten  
vnd gewalt alleine der faust weret vnd die waffen miderlegt/  
Sondern nympt weg den kriegs mut vnd das hadder hertz.  
Wenn aber das geschicht/so ist der faust vnd den waffen  
schon gewehret allzumechtig/Denn worumb vnd woruber  
soltten Christen kriegem vnd haddern/wenn sie also gesymet  
sind/das sie allzu mal/alles leyden wollen/gut/ehre/leib vnd  
leben gerne faren lassen? Das ist/sie haben keine vrsach nye  
mer mehr zu kriegem/Denn vmb solcher stueck willen mus die  
weltliche oberkeit kriegem/gut/ehre vnd leib zu schutzen vnd  
fride zu hand haben/Vnd daruber haddert man sich auch/  
Aber nicht vnter den Christen/Also hat Christus auch nicht  
gestritten/sondern geliten/vnd ist durch leiden der oberst vnd  
theurest ritter worden/das ist recht den krieg durch feur ver  
zeren/vnd mit liebe alles leiden/nicht haddern noch kriegem  
vmb

vmb v  
hab ic

Zi  
nig d  
men/  
ist vn  
vns a  
Ein  
ten/d  
wind  
chen/  
vnd t  
gegeh  
Komp  
Dem  
als d  
werd  
gekin  
Vns  
Dem  
bore  
gebu  
ist v  
Das  
sent  
nich  
mit  
schen  
well

umb vnser selbs willen/ Wie aber kriegen gut sey für andere/  
hab ich gnugsam ym büchlin von weltlicher oberkeit gesagt.

## Denn vns ist ein kind gebo- ren/der son ist vns gegeben.

Zie feret Jesaia eraus/ vnd malet den heubtman odder kö-  
nig dieses konigreichs/ Aus diesem text ist das seine lied geno-  
men/das man zu wygenacht singet/ Ein kindelin so lobelich/  
ist vns geboren heute/von einer Junckfrau sauberlich/zu trost  
vns armen leuten/wer vns das kindlin nicht geborn 2c.  
Ein wunderlicher könig/ der solch grosse ding sol austrich-  
ten/danon droben gesagt ist/ das er sol tod/sund/gesetz vber-  
winden/on schwerd regieren/vnd die welt vol freuden ma-  
chen/Denn Jesaia sagt hie klerlich/ das solchs alles darumb  
vnd daher kome/ das vns ein kind geboren/vnd der son vns  
gegeben ist/ als solt er sagen / durch das kind vnd den son  
kompt solchs alles/ Er ist der mitteler/der es sol aus richten/  
Denn ym diesem text ist das wörtlín ( Vns ) wol zu mercken  
als da die macht anligt/Alle kinder die geboren werden/die  
werden yhn selbs odder yhren eltern geboren/ Allein dis eini-  
ge kind füret den namen/das er vns geboren sey/Vns/Vns/  
Vns/heissis. Vnser aller ist das kind/ vns zu gut geboren/  
Denn für sich selbs hette ers gar nichts gedorfft/das er ge-  
boren wurde/ Derhalben/alles was er ist/hat vnd thut von  
geburt odder nach der menschheit/das heist vnd ist vnser/vnd  
ist vns damit gedienet/ das vnser heil vnd seligkeit sein sol.  
Das wort Vns/ foddert mi festen glauben/ Denn ob er taus-  
sent vnd aber tausent mal geboren wurde / vnd were doch  
nicht vns geboren vnd vnser eigen worden/ so were vns da  
mit nichts beholffen. Was hilfft vns/das so viel tausent men-  
schen geboren sind vnd teglich geboren werden / von der  
welt anfang :

D ij Tu

Tu sihe auff die wort/ was dieser König für eine person  
sey/ vnd wie meisterlich Jesaia seine wort setzet vnd wyget/  
Erstlich/ifts ein geboren kind/das ist/ein natürlich mensch/  
Dem Jeled auff Ebreisch heyst Infans ein unck geboren  
kind wie es vom weibe geboren wird/Damit ist beweist/das  
Christus recht natürlicher mensch ist / von eym weibe ge-  
boren/ fleisch/ blut/ bein/ marck/ haut vnd har habe / lebe/  
gehe/ stehe / vnd thu wie ein ander mensch/ Vnd doch on  
sunde geboren sey für allen andern / Dem gleich wie dieser  
text zwingt / das er ein rechter natürlicher mensch geboren  
sey / also zwinget der vorige text / das er on alle sünde ge-  
boren sey / da Jesaia sagt/das er last/ rute/ treiber/ das ist/  
sund/ tod/ gesetzte zubrochen habe/Denn es reymet sich nicht/  
das der solt ym sünden geboren sein/ der die sünde zu bricht  
vnd vnterwürfft/ Sonst hette viel mehr die sünde yhn zu-  
brochen vnd vnterworffen/wie allen andern menschen ge-  
schicht die geboren werden. So haben wir nu/das dis kind/  
ein natürlicher/ aber vnschuldiger heiliger mensch sey/ vnd  
das selbige alles vnser sey/ was er ist/hat/ thut vnd vermag/  
Denn das er heilig vnd vnschuldig ist/ sol vnser sein/weil er  
vns geboren ist/drumb ist seine heiligkeit vnd vnschuld vnser/  
als hetten wir sie selbs/ Vnd wyr schmucken vnd kleiden  
vns drein für Gott/ als ym vnsern schmuck/ der vns gescha-  
anckt ist/ so wir anders glauben das war sey. Also sind wir  
vnschuldig vnd heilig/ym der vnschuld vnd heiligkeit dieses  
Kindes.

Zum andern ist er der Son/vnd Vns gegeben.  
Zie spricht er nicht/ der son ist vns geboren/sondern gegeben/  
Das sind ia seine liebliche wort/ Son heisst er yhn/ damit er  
beweiset/das dieser König nicht alleine mensch/ sondern auch  
rechter natürlicher Gott ist/ Es mus ia ein ander son sein/  
denn alle ander menschen söne sind/ weil er solche ding thut  
sol/wie gesagt ist/Wenn gleich alle söne vnser eigen wur-  
den

den/h  
tod/ g  
breche  
derlich  
vns g  
gesetz  
Gott/  
sein/ 2  
sie ni  
er sie  
sie au  
das n  
vns r  
geben  
D  
rechte  
en ge  
wird/  
gebore  
geblü  
ren si  
nicht  
recht  
saia s  
Zie  
gleich  
Das  
vnd  
lich/  
den/  
thun  
empf  
er me



ben/hulffe vns doch nicht/weil keiner ist/der nicht von sund/  
tod/ gesets zubrochen wird/ Soll er nu tod/ sund/ gesets zu  
brechen/ mus er warlich göttliche krafft bey sich haben/son  
derlich weil ers nicht fur sich/ sondern fur vns thun sol/vnd  
vns gegeben ist/ Denn andern leuten von sunden/tod vnd  
gesets zuhelffen/ist eitel Gotte gewalt. Ist er nu son vnd  
Gott/ so hatt ers alles ym henden/vnd mus Gotte gleich  
sein/ Aber solche gottheit ist vns nicht geboren/denn er hat  
sie nicht umb vnser willen vber komen/ Von ewigkeit hat  
er sie fur sich selbs vom vater/ Aber gegeben ist sie vns/das  
sie auch vnser sol sein/ Ist aber die selbige vnser/was ist denn  
das nicht vnser sey. wie Paulus Roma. 8. sagt/wie solt er  
vns nicht alles mit gegeben haben/so er den son fur vns ge  
geben hat?

Da haben wir nu die person dieses koniges / das er sey  
rechter warer Gott vnd mensch/dazu von eyner Jungfraw  
en geboren / Denn alles was von man vnd weib geboren  
wird/das ist sundlich /wie Johan. i. sagt/Was von fleisch  
geborn ist/das ist fleisch/ Vnd aber mal/Die nicht aus dem  
geblüt/noch aus willen des fleisches/sondern aus Gott gebor  
ren sind 2c. Solt er nu sund vnd tod zu brechen/so musste er  
nicht aus fleisch noch blut geboren werden/ Vnd solte doch  
recht naturlicher mensch vom weib geboren sein/wie hie Jes  
saiä sagt/Ein kind ist vns geboren.

Hie musste das mittel finden vnd troffen werden/das er zu  
gleich vom weib/vnd doch nicht aus fleisch geboren wurde/  
Das gieng also zu/ das seine mutter musste nicht aus krafft  
vnd eingepflanzter natur des fleischs/sondern vber natura  
lich/aus sonderlicher krafft des heiligen geistes geboren wer  
den/ Das ist seine mutter musste Jungfraw vnd on mans zu  
thun schwanger werden/wie wir ym glauben bekennen/ Der  
empfangen ist vom heiligen geist 2c. Also kunds gesent/ das  
er mensch on sünde/vnd herr vber sünde were/vnd die sünde  
yhn

ine person  
d wyget/  
o mensch/  
geboren  
weist/das  
weibe ge  
be./lebe/  
doch on  
wie dieser  
geboren  
ünde ge  
das ist/  
ch nicht/  
zu bricht  
yhn zu  
schen ge  
dis kind/  
sey/vnd  
vermag/  
n/weil er  
ld vnser/  
kleiden  
s gesch  
sind wir  
eit dieses

gegeben/  
damit er  
ern auch  
son sein/  
ing thun  
en wur  
Den

ihm noch nie vnter sich haben mochte vom ersten augenblick  
seiner menscheyt/Denn so war es auch billich/das Gottes son  
geboren wurde/weil es nicht sein kund/das Gottes son vnter  
der sunden were/sonst were Gott selbs ein sunder worden/vnd  
hette eines erlösers gedorfft gleich wie wir/Wer wolte denn  
vns geholffen haben:

## Vnd seine hirschafft wird lie- gen auff seiner schulder.

Diesen spruch malet man also/wie das kindlin Christus  
treget das kreutze auff seiner schulder/da er von Gott zu Ma-  
ria gesand wird. Vnd wie wol es nicht gnu<sup>g</sup> sam zeigt/so ge-  
fellet myr doch solch gemelde nicht vbel/vmb der einfeltig-  
keit willen/Denn es trifft ia etwas vnd seilet nicht gar.  
Zum ersten ifts offenbar gnu<sup>g</sup> sam/das man den welllichen ko-  
nigen yhr konigreich anders malet/Vlicht auff die schuldern/  
sondern die krone auffs heubt/den apfel ynn die lincken hand/  
den zepter ynn die rechten hand/Was solchs bedeut/lassen  
wir itzt faren.

Christus konigreich sind seine Christen/wie.1.Pet. 2. sagt/  
Ihr seid das konigliche Priestertum vnd eigentum/Item  
Psal. 2. Ich wil dir die heiden zum erbe geben/Vnd der spru-  
che viel mehr sein/Solch konigreich malet yhm Jesaia auff  
die schuldern/ Zu erst darumb/das er vns vnd vnser sunde  
auff sich geladen/vn am skam des crentzes getragen hat/vnd  
noch teglich treget/ynn allen vnsern gebrechen/wie 1. Petri. 2.  
sagt/Er trug vnser sunde an seinem leibe auff dem holze.  
Vnd Johan 1. Sehet/das ist Gottes lam/das der welt sun-  
de treget/Vnd Luce 10. treget der Samarit den halb todten  
menschen auff seym thier/Item er ist der hürte/der das verlor-  
ne schaff auff seiner schulder widder heim bringt/das ist/das  
Creutz/so man dem kindlin Christo auff die schulder malet.

Zierans

3  
wort  
ner sel  
rusale  
ynn d  
auch/  
on all  
gebre  
lin/ v  
heilet  
ein hu  
wund  
treget/  
orten  
dessell  
sich v  
nigren  
seinen  
vns a  
lion/  
hat/v  
verge  
wölch  
seiner  
nem l  
der se  
ist er  
vnd  
schul  
wir s  
ange

Hieraus merckstu nu/ wilch ein süß / trostlich / lieblich  
wort das ist/da Jesaia spricht/ Seine hirschafft ligt auff sei-  
ner schulder/ Er spricht nicht/ Seine hirschafft ligt zu Jes-  
rusalem ynn Syria/Asia /India odder yrgent an einem ort  
ynn der welt/ sondern auff seiner schulder/ Wo er ist/da ist sie  
auch/allerdinge frey/ an keine stet/zeit noch person gebunden/  
on alleine an yhn selbs/ Dazu so tregt er sie mit allen yhren  
gebrechen/ wie ein vater seine kinder/ wie ein hürte die lems-  
lin/ vnd wirfft sie nicht weg vmb der sünde willen/ sondern  
heilet sie vnd hilfft yhn/ Denn sein reich/ ist ein gnade reiche/  
ein hulffe reich/ ein trostreich/ für alle arme sunder/ Vnd ist ihe-  
wunderlich geredt/ das er sein konigreich auff seiner schulder  
tregt/ vnd sol doch ynn aller welt sein/ Denn er sol an allen  
orten durchs Euangelion regieren / vnd doch allenthalben  
desselbige tragen auff seiner schulder. Weltliche fürsten lassen  
sich wol heben vnd tragen/ furen vnd leyten von yhrem ko-  
nigreich/ Aber dieser konig hebt/ tregt/ furet/ legt/ leydet die  
seinen/ Das gehet nicht anders zu denn also/ Am creutz trug er  
vns alle auff ein mal/ Aber nu tregt er vns durchs Euanges-  
lion/ das ist/ es wird gepredigt/ wie er vns dazu mal getragen  
hat/ vnd aller sünde/ so wir gethan/ thun oder thun werden/  
vergebung erworben hat / O wilch ein feiner titel ist das/  
wilch ein trostlicher spruch von Christo/ das er sein reich auff  
seiner schulder tregt/ Auff die weise redet auch Mose ynn sei-  
nem liede Deute.32. Das Gott habe das volck Israel auff  
der schuldern getragen/ das ist/ gleich wie mit iungen kindern  
ist er mit yhn vmbgangen/ sie generet/ yhre weise geduldet  
vnd geholfen 2c. wie vns denn Christus auch thut.

Sum andern heisset darumb eine hirschafft auff seiner  
schulder/ an zuzeigen/ das es sey ein reich ym glauben/ Denn  
wir sehen yhn von hinden zu vom rucken/ nicht forne zu von  
angeficht/ Wie er auch sagt zu Mose Exo.33. Mein ange-  
sicht

sicht kanstu nicht sehen/ Aber von hinten zu soltu mich se-  
hen/ wenn ich weg gehen werde/ Also spricht auch Paulus  
1. Cor. 13. Wyr sehen itzt durch ein tuncfel wort/ Aber als  
dem von angesicht zu angesicht/ Also treget er vns ym glau-  
ben/ das wyr yhn nicht sehen/ vnd doch gleichwol seine krafft  
fulen/ damit er vns treget/ erloset/ hilfft vnd bewaret.

Solget wie er heysen sol.

## Vnd er heist Pele/ Jogetz/ El/ Gibbor/ Abigad/ Sarsa- lom.

Sechs namen gibt er diesem Konige/ welche auff Ebreisch  
heissen wie da stehet / Pele / Jogetz / El / Gibbor / Abigad /  
Sarsalom / Auff deutsch also / Wunderbar / Rad / Krafft /  
Zelt / Imervater / Sridesfürst. Sie mustu nicht dencken/ das  
man yhn noch seiner person also nennet oder ruffen solte/ wie  
man sonst yemand bey seinem namen rufft/ Denn es wurde  
ein lang geschwetz werden/ wo man allezeit solt die sechs na-  
men daher zelen/ so offft man yhm ruffen wurde/ Sondern es  
sind namen/ die man von yhm predigen/ preisen/ vnd rhu-  
men wird/ seiner thatten/ werck vnd ampts halben/ Denn ym  
Ebreischen mag dieser text auch also lauten/ Vnd sein name  
sol gepredigt werden/ Denn/ heissen/ ruffen/ predigen/ ist ein  
wort ym Ebreischen/ gleich wie man Dauid nennet/ Sanfft/  
Demutig/ Streitbar/ Weise 2c/ das ist/ man preiset mit solch-  
en namen seine tugent vnd werck oder eigenschafft/ da mit  
man yhn für ander/ sonderlich erkenne vnd absondere/ wila-  
che namen auff deutsch wir heysen/ die zu namen/ die man  
zum rechten namen thut/ Als/ es sind viel die Peter heissen/  
Aber wenn man spricht/ Peter der Apostel Christi/ der Christa-  
um

um mit seinem tod geehret hat/ so gibt man yhm einen zu nam-  
men von seiner tugent/ ampt/ odder eigenschafft. Item Es  
sind viel die hans heissen/ Wenn man aber spricht /hans  
Schreiber/ da nennet man yhn seines eigen ampts halben als  
so/ Tu. ynn der Ebreischen sprache heissen die zu namen/ eben  
so wol namen / als die rechten namen/ Desselbigen gleichen  
auch die preise namen/ Denn also heist Gott/ gut/ gnedig/ der  
armen richter/ nothelffer/ der waissen vater/ vnd so fort an.

## Pele/ Wunderbar.

Der erst name zeigt/ was dieser konig fur weise hat sein  
reich zu regiren vnd spricht/ Er machs wunderlich vnd selts  
am/ das alle vernunft/ natur vnd klugheit obertrifft vnd  
nicht zubegreiffen ist/ Wie so: Er regirt vns /wie er selbs vom  
Vater regiret ward/ Das gieng/ wie der 117. Psalm singet/  
Der stein/ den die bawolente verworffen/ ist zum eckstein wor-  
den/ das geschach vom herren/ vnd ist wunderbar fur vnsern  
augen/ War es nicht ein wunderlich ding / da er wolt vns  
ewige leben geben/ gieng er ynn den tod/ Vnd da er zum Va-  
ter ynn seine ehre wolte/ kam er ynn alle schande/ auch ans  
creutz vnter die morder auffss aller schendlichst gehenget/ Da  
er solt viel volcks/ vnd vnterthenig machen die gantze welt/  
da fiel auch sein eigen volck von yhm/ also/ das sie yhn nicht  
alleine verlanckten/ sondern auch verhieten/ verkaufften/ vba-  
ergaben/ creutzigten vnd lesterten. Heist nu das nicht seltsam  
wunderlich ding/ der stein so hoch vnd tieff verworffen/ sollte  
ein eckstein werden: Summa/ Es ist auff erden noch nie ners-  
trischer/ vnmuglicher/ verzweiffelter ding gehört noch gese-  
hen/ denn das ein sterbender mensch solte nicht alleine leben-  
dig/ sondern auch Herr vnd austeiler des lebens vnd aller  
todten

℞ ij

todten aufferwecker sein/ Das tod solt vnter den kometen/ den  
er todtet/ vnd widder von yhm ewiglich getodtet werden.  
Item das der solt ein konig der ehren werden/ den sein eigen  
volck verlies/ verrhiet/ verfolget/ mordet/ leftert vnd schendet/  
Vnd so fort an ym allen andern stucken/ die eitel vnaussprech  
liche wunder sind/ Aber wir sinds gewonet teglich zu horen/  
drumb wundern wir vns des nicht mehr/ Denn wir bedenk  
ens nicht/ glaubens auch nicht mit ernst/ sonst wurden wir  
vns des on vnterlas wundern.

Eben also thut er mit den seinen/ das ist mit seym konig  
reiche auch/ Ein weltlicher konig regirt also/ das er sein volck  
an sich vnd zu sich halte/ vnd frembde odder feinde von sich  
thue. Dieser kerets vmb/ Sein eigen volck die Juden lest er fas  
ren/ vnd nympt die heiden seine feinde an/ zu bricht vnd zu  
storet das Judenthum zu grunde / vnd bawet die heiden  
schafft zu seinem reich/ so weit die welt ist/ Wie sein solt man  
den fursten preisen/ der sein volck liese/ vnd neme seine feinde  
vns land/ gebe dennoch fur/ er wolte kostlich regieren/ Vn  
sinnig/ toll vnd toricht wurde man yhn halten/ wie es denn  
auch were/ wo man weltlich regiment auff die weise furname/  
Also wilchen er will frum machen/ den macht er zu ein ver  
zweifelten sinder/ Wilchen er wil klug machen/ den macht er  
zum narren/ Wilchen er wil starck machen/ den macht er sch  
wach/ Wilchen er wil lebendig machen/ den steckt er dem tod  
ym rachen/ Wilchen er wil ger hymel furen/ den senckt er  
ym abgrund der hellen/ vnd so fort/ Welchen er zu ehren/ zur  
felicitat/ zur hirschafft/ hoch vnd gros bringen wil/ den ma  
cht er zu allen schanden/ verdampft/ zum knecht/ nydderig vnd  
klein. Es heist vnd gehet hie der spruch/ Die ersten die letzten/  
die letzten die ersten/ Wer gros wil sein/ der sey klein/ Wer for  
ne gehen wil/ der gehe hinden. Das ist nu der wundersam  
vnd seltzamer konig/ der denn am nehesten ist/ wenn er am  
ferneffert

ferneffert  
Das m  
erfaren  
vnd bl  
druffig  
nen sin  
wunde  
Vnd i  
wesen/  
alten  
thut/v

Der  
vnd cr  
odder  
wund  
der al  
las ich  
gibt/  
ym m  
sie da  
walt/  
widde  
stus le  
licher  
Der h  
wort  
ym lei  
Ean/ d  
Rad/

ferneſten iſt/ Vnd denn am ferneſten/wenn er am neheſten iſt.  
Das nu vns ſolchs nicht wunderlich dunckt/ das macht wy  
erfarens nicht/ ſind auch drynnet vnuerſucht/ ſondern horen  
vnd blewen teglich die wort danon/ bis wir der ſat vnd vber  
druffig werden/ vnd komen nymmer zur that/ Die aber dryn  
nen ſind vnd geubt werden/ die ſehen vnd ſulen/ wilch ein  
wunderlich weſen es ſey/ vnd wie billich er Wunderbar heiſſe/  
Vnd iſt dis die ſumma/ Er iſt wunderbar/ darumb das ſein  
weſen/ reich/ vnd regiment ſteht ynn leyden vnd tödten den  
alten Adam/ vnd leſt nichts gut ſein alles was der ſelbige  
thut/weis vnd kan.

### Jogetz/ Rad.

Der ander name zeigt / wie er ynn ſolchem leyden/tödten  
vnd creutze/vns beysſtehe/das wir drunder nicht verzweiffeln  
odder verderben/ Vnd iſt auch ynn dem ſelbigen beysſtehen  
wunderbar/ Denn er ſtehet vns nicht ſo bey/ wie die welt vnd  
der alt Adam bey ſtehet/wie er ſpricht Johan. 16. den friede  
las ich euch/ meiner friede gebe ich euch/ nicht wie die welt  
gibt/ Denn ynn der welt werdet yhr gedrenge haben/ aber  
ynn myr werdet yhr friede haben/ Die welt ſtehet alſo bey/das  
ſie das leyden vnd gedrenge fleucht/ odder weret ſich mit ge  
walt/das ſie es los werde/ Denn ſie vbet leybliche macht da  
widder/ odder leidets mit vnwillen wo ſie mus/ Aber Chri  
ſtus leſt die ſeinen drunder bleiben/ vnd ſtehet yhn bey on leib  
liche macht/ ſondern mit dem wort/wie er ſpricht Jeſaia 50.  
Der herr hat myr eine kluge zunge gegeben/ das ich mit dem  
wort ſtercken kan/den ſo mude iſt/ Solch wort/ da mit wir  
ym leiden getroſtet werden/ iſt ein guter rad/ Vnd wer das  
kan/ der iſt ein guter Rad/ Darumb heysſt Chriſtus billich  
Rad/ Alſo ried er den Apoſteln Johan. 16. Seit getroſt/ ich  
E iij habe

habe die welt vber wunden/ Item/ Erwor hertze erschrecke nicht  
vnd furchte sich nicht 2c. Vnd die selbige gantze abent pre-  
dige vnd Valete/ was sind es anders/ denn eitel Redte vnd  
trost wort ym leiden? So spricht auch der herr Christus  
samt den seinen Psal. 15. Der herr hat mir geradten/ Item  
Der herr gibt mir verstand 2c das ist/ Er leset mich wol on  
leibliche krafft ym leiden/ Aber er verleset mich nicht mit rad  
vnd verstand/ wie ich mich drynnen halten sol.

So gehets ynn Christus reich/ das wir allein durch das  
wort Gottes geregirt werden/ wilchs hie Jesaia preiset mit  
der tugent/ das es guten Rad vnd trost geben kan/ Das ver-  
mag kein ander konig noch herr/ Denn wo sie leiblich vber-  
wunden odder yhr land verderbet ist/ so ist der rad vnd trost  
aus/ Denn yhr rad vnd trost ist/ wenn die tassche vol ist/ vnd  
gewalt oberligt vnd die ehre gantz bleibt/ Aber hie heifts denn  
am besten radten vnd trosten/ wenn alles verdorben vnd ver-  
zweifelt ist/ Darumb gehört glaube dazu/ denn es ist ein Rad  
des glaubens/ weil es kompt wenn nichts mehr da ist/ vnd  
alleine auff das vsichtbare zu hoffen ist/ Wer kundte sonst  
bestehen/ wenn der herr nach seinem ersten namen so wunder-  
lich mit vns sure/ das wir nichts hetten daran wir vns hiels-  
ten? Es mus ia zum wenigesten ein wort da sein/ das vns  
radte vnd troste. Summa/ Er heift darumb Rad/ das er mit  
dem Euangelio ynn der welt trostet die seinen/ so verlassen  
vnd ynn allerley trubsal sind.

## El/ Krafft/

Das wort El/ ynn Ebreischen/ wird Gotte zu geeigent  
vnd Gott wird auch viel mal El genemet/ Daraus man  
denn will schliessen widder die Juden/ das Christus Gott sei/  
vnd suren diesen spruch Jesaia/ So weren sich denn die Jue-  
den

den vn-  
gen/ V-  
der sch-  
man m-  
müsse/  
kan ma-  
recht/ v-  
beide v-

V-

son/ so-  
gen/ v-

denn a-

der na-

heisse/

gen/ w-

gluck

da wir

dich s-

wir au-

Krafft

mach-

man/

sonder

umb/ d-

staben

wort d-

Em.

Z-

deutsch

hulff/

kein na-

stus v-



den vnd haben yhr ansflucht/wie sie kommen/Aber kurtz zu sa-  
gen/Weil das wort El nicht alleine Gott wird zugeeigent ym  
der schrift/auch nicht von art die Gottheit bedeut/so kan  
man nicht draus erzwingen/das es hie Gott heissen solle vnd  
müsse/Gleich als wenn Got gut vnd gerecht genennet wird/  
kan man daraus nicht nemen/das solche wort/Gut vnd ge-  
recht/wo es ym der schrift stehet/Gott müsse heissen/weil  
beide worter/Got vnd viel andern werden zugelegt.

¶ Tu aber hie Jesaia von solchen namen/die nicht die per-  
son/sondern das ampt Christi vnd art seines reichs anzei-  
gen/vnd wir wol gewisser spruche haben müssen/wie wir  
denn auch haben/Christus Gottheit zubeweisen/wil ich bey  
der natürlichen deutunge des worts bleiben/was es von art  
heisse/Es heist aber von art/nichts denn krafft odder vermu-  
gen/wie wir haben Deutero. 28. da Moses von der Juden un-  
glück spricht/ Vnd es wird kein El ym deinen henden sein/  
da wir lesen/Es wird keine krafft ym deinen henden sein/  
dich solchs vnfalls zuerweren odder zu erretten/Also haben  
wir auch ym deutschen landen den namen/das ettliche heissen  
Krafft odder krafftman/wilchs dem Ebreischen nach ge-  
macht odder abgeborget ist/So sey nu Krafft odder krafft-  
man/dieses koniges dritter name. Das ich aber nicht Joetz  
sondern Jogetz sage wie es ym Ebreischen lantet/thu ich dar-  
umb/das wir den buchstaben Ain/nicht mugen on den buch-  
staben G/wol geben/wie Sanct Marcus auch thut ym dem  
wort Bnehargem/ do es doch ym Ebreischen laut Bne har  
Em.

Krafft zeigt nu an/wie der Rad krefftig sey/denn wir  
deutschen setzen auch beides beyenander vnd sagen/Rad vnd  
hulff/Denn wo ein rad alleine da ist/so sind es wort/ist aber  
kein nachdruck da/vnd wird zu letzt nichts draus. Aber Chri-  
stus yber das er yns mit dem wort des Euangelij redt vnd  
troff

trost/gibet er auch krafft dazu/das wirs glauben vnd dran blei-  
ben vnd beharren/Zu letzt auch hindurch dringen/ den sieg er-  
langen vnd das felt behalten, Denn das ist nicht die meinung  
Christi/wenn er vns wunderlich suret vnd yns leiden vnd  
creutz bringet das wir solten ymer drynnen bleiben/vnd als  
leine am rad vnd wort genug haben/vnd solt damit aus sein/  
Nlein/nicht also. Der rad vnd das wort soll da sein/so lange  
das leiden weret/vnd vns erhalten/das wir nicht sincken fur  
schwacheit. Aber es soll auch zu letzt ein ende haben/ vnd  
durch vnser gedult vberwunden werden vnd ablassen. Des  
nym ein exempel an S. Paulo/wie oft ist der wol ym rachen  
des lewen gewesen/das ist/ymn allerley trubsal: Aber wo mit  
redt vnd trost er sich: Mit dem rad vnd wort Gotis. Aber er  
kompt dennoch hindurch vnd gewinnet zu letzt/ wie er das al-  
les ym der andern zu den Corinthern reichlich beschreibet. Also  
ob wir wol mancherley trubsal haben/eins ymer nach dem an-  
dern/ zuweilen miteinander/itzt sinde/itzt tod/itzt welt/itzt  
teuffel/2c. Aber das sind alles werck des Pele. Vnter dem al-  
len ist der Jogetz da/mit sein rad vnd wort vnd trostet vns  
das wirs erleiden mugen. Zu letzt suret ers auch aus vnd leff  
es widder schon wetter werden/das wir das felt behalten/wie  
S. Paulus spricht/Gelobt sey Gott/der vns ymer dar leff  
das felt behalten durch Christum/Denn er heist krafft/vnd  
kan nicht alleine radten vnd trosten/sondern auch abhelffen  
vnd das leiden vnter vns werffen/Er hat den nachdruck/  
vnd ist ein fels/das auch die hellischenpforten vns nicht mus-  
gen vberweldigen.

### Gibbor/ Helt.

Wie sein folgen die namen nacheinander vnd hangen an-  
einander / allerdinge gleich / wie es ym reich Christi auch  
geheth/Denn das erst/ist todten den alten Adam/ mit allerley  
leiden

leiden  
wort/  
krafft  
namen  
vmb v  
person  
wir ge  
Konig  
Aber v  
delt/ze  
der zu  
nach d  
mach  
les wo  
me lau  
wund  
vnd v  
leute  
man  
sprich  
ymn C  
mitter  
schar  
den fe  
E  
sein se  
vnd z  
vnd h  
das v  
viel l  
gewi  
rey v

leiden vnd creutz/ Aber do gehoret trost vnd rad zu durchs  
wort/ So ifts nicht gnug Rad vnd trost / Es mus auch  
krafft da sein/ das wir hindurch komen/ Das ist die helfft der  
namen. Vnd wir sehen/ das sie alle drey vns gelten/ vnd er  
vmb vnser willen/ vns zu dienst vnd nutz/ nicht vmb seiner  
person willen/ so heisset. Tu mit den dreyen namen werden  
wir geregürt/ vernewet/ erhalten vnd verteidigt/ Vnd er der  
König hat ynn den dreyen ampten mit den seinen zuschaffen/  
Aber wie er nu auch die feinde angreiffet vnd mit yhn han-  
delt/ zeigt der vierde name an/ Denn das ist ein rechter herr/  
der zuor sein land vnd leute versorget/ rustet vnd zuricht/ dar-  
nach denn die feinde angreiffet vnd sein Königreich grosser  
macht/ Das gehet aber auch wunderlich zu/ denn es mus al-  
les wunderlich sein/ was an diesem Könige ist/ wie der erste na-  
me laut/ Wunderlich todtet er/ wunderlich redt vnd trostet er/  
wunderlich hilfft er gewinnen vnd siegen/ Alles ynn leiden  
vnd vnkrafft. Also streit vnd sicht er auch vnd bringet die  
leute wunderlich vnter sich/ Denn er ist ein hellt vnd kriegs-  
man/ ia ein Rife/ on schwerd vnd harnisch/ wie S. Paulus  
spricht. Vnser waffen sind nicht leiblich/ aber doch gewaltig  
ynn Gott 26. Also sagt auch der 109. Psalm/ Du solt hirschen  
mitten vnter deinen feinden. Vnd Psal. 44. Deine pfeile sind  
scharff/ Volcker werden sich vnter dich thun/ mitten vnter  
den feinden des Königes.

Solchs alles thut er mit dem heiligen Euangelio/ das ist  
sein schwerd/ seine pfeile vnd seine waffen/ damit er zuschmeißt  
vnd zu schmettert/ alle klugheit/ weisheit/ vernunfft/ krafft  
vnd heiligkeit/ Ifts nu nicht wunderlich ding/ Nichts denn  
das wort führen/ vnd damit on allen schwerdschlag/ ia mit  
viel leiden vnd creutzes/ die welt gewinnen? Vnd nicht alleine  
gewinnen/ sondern auch sich woheren vñ setzen wider alle ketze-  
rey vnd yrchum/ vnd zu letzt darydder schlagen vnd den sieg  
S behalten

hängen an  
Christi auch  
mit allerley  
leiden

behalten/das kan auch kein konig auff erden thun/ Denn sein wort ist zu geringe/ Er mus mit macht vnd gewalt thun. Hie geht nu die gleichnis/ die er sagt Matth. 12. wie ein starcker sein haus mit Friden besitzt/ bis ein stercker vber yhn kompt vnd vber windet yhn/ vnd nympt yhm alles was er hat/ vnd teilet die beute aus/ Das ist der sieghafftiger starcker hellt/ das non hie Jesaia sagt/ das er Gibbor heissen solle/ Vnd ist fur war ein recht meisterstucke solch streiten vnd gewinnen/ Er greiffst zum ersten das hertz an mit dem wort/ denn er lest predigen/ das alle werck/ witz vnd vernunft nichts denn eitel sunde sey fur Gott/ Damit felle dahin alle heilikeit/ weisheit/ gewalt/ reichthum vnd was die welt hat/ Denn da ist vernunft enheit weg/ vnd der mensch mus an yhm selber verzagen/ vnd sich ergeben/ vnd bekennen/ es sey also. Wo aber das hertz ver zagt vnd gewonnen ist/ Was wil odder kan man sich do wes ren odder streiten? Wilche aber noch nicht verzagen/ die sind noch nicht gewonnen / mit denen sicht der hellt noch ymer durchs wort/ bis er sie gewinne/ odder dem gerichte Gottes heim stelle.

Also thetten die lieben Apostel/ Sie schlugen getrost vmb sich mit dem wort Gottes/ wo der teuffel mit seym reich an dicksten vnd sterckesten war/ Vnd rissen vnd namen yhr viel von yhm/ zutrenneten vnd zerstöreten yhm sein reich ym allen landen/ wie wir lesen ym Actis/ wie S. Paulus mit dem teuffel kempfet vnd ritterlich facht vñ allenthalben gewan/ Dar umb er auch solch predigen pflegt zu nennen/ einen kampf/ streit/ fechten vnd ritterspiel 2c. Also wir itzt auch/ vnd alle Christen bis an Jungsten tag thun/ das wir dem teuffel viel leute abschlagen/ vnd aus seim rachen reissen/ Denn wir das ran nicht gnug haben/ das vns geholffen ist vnd die krafft haben/ sondern wir dienen auch dem Gibbor dem hellt Christo/ das er durch vns viel gewinne/ vnd sein reich gros werde/ Darumb

Darum  
ligt/ vñ  
Deus  
schare  
wort  
welt  
trost/  
da wir  
ligt de  
krieg  
den/ s

De  
das g  
hette  
gewe  
vnd n  
ge G  
son v  
dieser  
für vñ  
allzun  
seiner  
Christ  
ymer  
vnd v  
besser  
ymer  
ten is

Darumb ist ein Christen auch so gerufft/das er teglich zu selbe  
ligt/vnd mit den feinden kempffte/Vnd Gott auch darumb  
Deus Zebaoth heisst bey den Propheten/das ist/Gott der heer  
scharen. Denn er ist ein rechter kriegs furste/Seintemal sein  
wort nicht mussig sein kan/Es greiffte den teuffel vnd die  
welt frisch an/das kan der teuffel nicht leiden/wehret sich ge-  
trost/richt rotten vnd ketzerrey an/vnd hetzet fursten vnd herrn  
da widder/Da hebts sich denn/da gehts/Plitz platz/wer da  
ligt der ligt. Wo aber das Gottes wort nicht ist/da horet der  
krieg auff/vnd sitzet der teuffel widder ym seym reich mit fris-  
den/sieben mal erger denn vorhin. Matth. 12.

## Abigad Imervater.

Der funfft vnd sechst name zeigen fast an den lohn vnd  
das gut/ so haben werden/die yhm reich Christi sind. Ich  
hette es gerne verdeudschet/Ewiger vater/ vnd were auch sein  
gewest/Aber es laut nu ym brauch also/das Gott der Vater/  
vnd nicht Christus da durch verstanden wird/Vnd der selbi-  
ge Got vater darumb ewiger vater heisse/das er fur seine pers-  
son vnd seines wesens halben ewig ist/vnd ewiglich lebt. Aber  
dieser konig sol darumb ewiger vater heissen/das er vns vnd  
fur vns ewig ist/wie ich gesagt habe/das diese sechs nament  
allzumal umb vnser willen/vnd seins ampts halben/nicht  
seiner person halben/yhm zugeschrieben werden/Darumb solt  
Christus also Ewiger vater heissen ym seim reich/das er sich  
ymer vnd ewiglich gegen vns Veterlich helt vnd beweiset/  
vnd vns kindlich zeucht vnd neret/Darumb wuste ichs nicht  
besser zuerdeutschen/denn das ich sagt/Imer vater/als der  
ymer vnd ewiglich sich veterlich halte/ Wie wol das von no-  
ten ist/sol er sich ymer vnd ewiglich gegen vns veterlich hal-

S ij ten

ten/so mus er auch für sich selbs ewiglich leben./Denn ein leib/  
licher vater/wie wol er sich auch veterlich gegen seine kinder  
helt/so kan ers doch nicht lange thun./Er mus doch sterben/  
vnd seine kinder hinder sich lassen vnd andern befehlen/dar/  
umb kan er nicht ymer vater sein noch heissen./Er mag wol  
ein augen blick vater heissen/ denn er nichts mehr denn eins  
augenblicks der zeit seins lebens gewis ist.

Aber dieser konig stirbt nymer mehr/ vnd lest auch seine  
kinder nicht hinder sich/sondern behelt sie allzumal für sich/  
vnd müssen auch ewiglich mit yhm leben. Das er nu Vater  
heist/zeigt an/wie er die seinen nicht alleine zeuget/ sondern  
neeret/kleidet/leret/zuchtiget/versorget vnd bereit yhn ein er/  
be./Item so sie sundigen/strafft er sie veterlich/wirfft sie aber  
nicht weg wie ein leiblicher vater sein kind zeucht/strafft/ver/  
sorget/liebet vnd helt/vnd nicht weg wirfft obs vnrein/ grins/  
dicht/ odder sonst schwach ist/ also thut Christus viel mehr  
mit den seinen/ das ewiglich/ hie angefangen ym glauben/  
vnd dort ym der offenbarung. Vnd summa/dieser name  
wil das/dauon S. Paulus sagt. Roma. 5. Wir rhumen vns  
der trubsaln/weil wir wissen/das trubsal wirckt gedult/Ges/  
dult bringt erfahrung/Erfahrung bring hoffnung/ Hoffnung  
aber lest nicht zu schanden werden/ Denn wie die Christen  
durch die vorigen namen wol geubt sind/mit leiden/mit trost/  
mit siege vnd streit widder die sunde/ gewinnen sie aus dem  
allen eine gewisse hoffnung zu Gott/das sie kinder seyen/vnd  
nymer verlassen sollen werden/Solche hoffnung ist nu das  
werck vnd frucht dieses namens/das sie durch so viel vbunge  
ein kindlich hertz zu Gott gewinnen/ vnd Gott wird yhn so  
ymerlich süsse vnd lieblich/ das keine furcht/ sondern eitel  
rhum vnd trost ym Gott da bleibet. Weil nu solchs durch  
Christum ausgericht wird ym seym reich/ heisst er billich  
Jmer vater.

Von

Vo  
get auch  
ser Got  
ist/wie  
tern yh  
mütterl  
sse ewig  
ewiglic  
ses vol  
liebe/so  
straffen  
gesetz/  
chts th  
dern al  
ssen/I  
der vet  
tel hen  
ist/wie  
der mu  
V  
not we  
wissen  
vnd fa  
vater y  
dem h  
stus ist  
vns er  
ter/de  
wissen  
lig we  
war i  
nicht

Von solchem veterlichen regiment ym reich Christi/ sin-  
get auch der 46. Psalm vnd spricht also/ Dieser Gott ist vns  
ser Got ymer vnd ewiglich/ er furet vns wie die iugent/ das  
ist/ wie man die iugent auff zeucht ym den heusern/ da die el-  
tern yhre kinder selbst auff zihen/ da gehet es veterlich vnd  
mütterlich zu/ Vnd das weret ymer vnd ewiglich/ das er hei-  
ße ewiglich vater vnd ewiglich mutter/ vñ wir ewiglich söne  
ewiglich töchtere/ Vnd nicht mit vns vmbgehe wie mit Mos-  
ses volck/ wilchs als ein knechtisch volck/ nicht ym kindlicher  
liebe/ sondern ym knechtlicher furcht/ mit dreyen/ schlegel/  
straffen vnd würgen gehalten wird vnter dem tyrannen dem  
gesetz/ als vnter dem hencker vnd stockmeister/ die auch ni-  
chts thetten aus freywilligem geist odder gutem hertzen/ son-  
dern alles aus not vnd zwang/ das yhrer herr wol mocht hei-  
ßen/ Jmer hencker odder ymer stockmeister/ Denn da ist wids-  
der veterlich noch kindlich regiment odder wesen/ sondern ei-  
tel henckerisch vnd schelckisch regiment/ da der hencker vater  
ist/ wie man spricht/ Wer vater vnd mutter nicht hören wil/  
der mus den hencker hören.

Vnd sonderlich ist dieser name trostlich/ ym der letzten  
not wenn wir sollen sterben/ das wir nicht verzagen/ sondern  
wissen/ wo hin wir faren/ Denn die herberge ist wol bestellt/  
vnd faren aus diesem leben ym die hende des vaters/ ia dem  
vater ym den schos. Denn wir durffen nicht sorgen/ das wir  
dem hencker odder dem teuffel ym seinen strick fallen/ Chri-  
stus ist da/ als ein ewiger vater vnd wartet auff vns/ das er  
vns empfahe. Wer wil sich nu furchten für seinem lieben va-  
ter/ der auff vns wartet so freundlich? Es ist ein sicher ge-  
wiffer sprung zu thun von diesem leben ym ihenes/ O wie sel-  
lig weren wir/ wenn wir solchs glaubten/ wie es gewislich  
war ist/ Darumb ist der reym vnd spruch bey den Christen  
nicht war/ da man spricht/ Ich lebe/ vnd weis nicht wie lang

S ij ge

Von

ge/ich sterbe vnd weis nicht wenne/ ich fare vnd weis nicht  
wo hin/mich wundert das ich so frolich bin. Solchs sollen  
sagen alle vnglaubigen/bey wilchen solchs alles war ist. Aber  
ein Christ weis wol wo er hin feret/nemlich ym einen vater-  
schos/ So weis er auch wol wie lange er lebt vnd wenn er  
stirbt/Denn er ist schon tod vnd der welt abgestorben/ vnd  
acht das leben fur nichts/ Darumb ifts wunder/ wo er nicht  
frolich ist/Vnd ist so gros wunder/als das der gotlose frolich  
kan sein/ Aber wie des gotlosen freude das hertz nymer recht  
erferet/also ist das trauren eins Christen auch nymer recht ym  
grunde des hertzen.

## Salomon Friede furst.

Nicht wie die welt fride gibet/sonst weren die ersten namen  
nichts/ da er Wunderbar/Rad vnd Krafft heisse/ sondern  
fur Gott ym gewissen/ Wilcher friede zu nympt/ vnd so viel  
stercker ist/so viel das leiden grosser vnd mehr ist/ Denn der  
fride kompt daher/das wir vns fur kinder fulen/vnd den ewi-  
gen vater kennen/da mit wir sicher vnd gewis sind seiner gna-  
den/vnd einen trostlichen zugang haben als zu vnserm lieben  
vater. Vnd wie fein folgen die sechs namen nach einander/  
zu erst wie vns Christus ym leiden regire fur vns selbs vnd  
gegen vns selbs/ zeigen die drey ersten namen/ Darnach wie  
er vns regiere gegen andere mit stercke zu streiten/ zeiget der  
vierde name/Aber die zween letzten zeigen/ wie er vns gegen  
sich selbs regire/ Im ersten stuck ist eitel muhe/ ym andern ei-  
tel arbeit/ Aber ym dritten ist eitel ruge/ friede vnd freude/  
Denn wer leidet/der hat muhe/Wer ficht der hat arbeit/Wer  
aber ruget/der hat fride. Das ist der rechte Salomon vnd frid-  
rich/der vns nicht mit zeitlichem gut odder fride/sondern mit  
dem geistlichen vnd ewigen fride / auch mitten ym vnfride  
reich

reich ma-  
hen zugle-  
vom and-  
Vn-  
fride fur-  
als eins  
mechtig  
yhn niem-  
feinest/s-  
lische pf-  
gerichte v-  
greiffen  
Weltlich  
yhn off-  
stunde o-  
fridrich  
dem eu-  
ym geis-  
nicht so  
genome  
Aber vn-  
vnd kan  
spricht/  
hutet 20  
Denn G-  
nander  
kommen  
dens g-  
Christu  
Da  
Konigre  
vnd ga-



weis nicht  
olchs sollen  
ar ist. Aber  
inen vater  
nd wenn er  
orben/ vnd  
wo er nicht  
tlose frolich  
rymer recht  
er recht ym

sten namen  
ste/ sondern  
vnd so viel  
/ Denn der  
d den ewig  
seiner gna  
serm lieben  
einander/  
selbs vnd  
arnach wie  
/ zeigt der  
vns gegen  
andern ei  
nd freude/  
arbeit/ Wer  
on vnd frid  
ndern mit  
m vnfride  
reich

reich machet/ Denn diese sechs namen mit yhrem werck/ gehen zugleich miteinander/ ynn eym Christen vnd bleibt keiner vom andern.

Vnd heist nicht schlecht fridrich wie Salomo/ sondern fride furst/ Sarsalom/ das der fride ym seiner gewalt stehet/ als eins fursten vnd herrn/ der des frides ym seinem reich so mechtig ist/ das er den selbigen gibt allen den seinen/ also das yhn niemand brechen noch nemen kan/ sondern helle das aller feinst/ sicherst geleyt/ wider teuffel/ tod/ sunde vnd alle helische pforten/ das vns die sunde fur Gott nicht schrecken/ sein gericht vnd zorn vns nicht treffen/ der teuffel vnd tod nicht greiffen kan/ Das heist ein rechter fride herr/ odder fride furst. Weltliche fursten halten auch geleyd vnd fride/ Aber es feylet yhn offft/ denn sie kommen nicht an allen enden sein vnd alle stunde oder augenblick weren/ Darumb mochten sie vvilleicht fridrich heissen/ Aber fridefurst kommen sie nicht sein/ auch ym dem eusserlichen regiment fur den leuten/ ich wil schweigen ym geistlichen regiment fur Gott/ Denn sie sind des frides nicht so herrn vnd mechtig/ Er wird zu weilen gebrochen vnd genommen/ wenn gleich das regiment am aller strengesten ist. Aber vnser herr ist an allen enden/ vnd wachet alle augenblick vnd kan den fride mechtiglich erhalten/ wie der 120. Psalm spricht/ Sihe er schlefft noch schlumert nicht/ der Israhel beschutet 2c. Vnd Summa/ Christus konigreich/ ist eitel fride/ Denn Gott thut yhn alles gut vnd kein leid/ so thun sie vnters nander auch keiner dem andern leid/ sondern alles gut/ So kommen die feinde nicht schaden thun/ denn die Christen leiden gerne/ So gar rund vmb/ vnd durch vnd durch helle Christus der fridefurst diesen friden mechtiglich.

Da haben wir die sechs namen vnser koniges/ die sein konigreich abmalen/ wie es ein wunderlich konigreich sey/ vnd gar nichts weltlich/ vnd sichtbar/ sondern geistlich vnd vn sichtbar

vnſichtbar ſein muſ/ Aus dem denn weiter folget/ das diſe na-  
men zu ſamen thun/ vnd beweifen/ das dieſer konig muſ rech-  
ter Gott vnd menſch ſein/ dazu auch von todten aufferſtehen  
wie denn faſt alle ſchrift die von Chriſtus reich reden/ mit  
einbringen/ das er Got vnd menſch/ ſterben vnd aufferſtehen/  
ſol/ Denn weil er iſt ein kind geborn/ muſ er ein recht natur-  
licher menſch ſein/ ym dieſem leiblichen leben/ wie alle ander  
menſchen/ zeitlich vnd euſſerlich wandeln/ eſſen/ trincken/ res-  
den/ thun/ leiden/ ſterben 2c. Denn es muſ war ſein/ das er  
ſpricht/ Ein kind iſt vns geboren/ Was aber geborn wird/  
das iſt ſterblich vnd muſ ſterben/ Widderumb/ weil er ſol ſo  
wunderlich regiren vnd gantz ein geiſtlich/ vnſichtbar konig/  
reich haben/ das ers auff der ſchulder treget/ vnd ym ſterben/  
notten vnd allen ſtucken/ die der vernunfft vnd dem fleiſch  
widder ſind/ halten vnd furen/ So kan er nicht ym zeitlichen  
leiblichen leben ſein/ wenn er regirt/ ſondern muſ ein geiſtlich/  
vnſichtbars weſen haben / Derhalben muſ er widderumb  
vom tod aufferſtehen/ vnd diſ ſterblich leben/ darein er ge-  
born wird/ wandeln ym ein vnſterblichs/ darinn er konig ſein  
vnd regirn ſol/ Also zwingen die zwey ſtuck/ das er geborn  
wird/ vnd doch vnſichtbar konig ſein ſol ewiglich/ das er ſter-  
ben/ vnd doch ewiglich leben ſol.

Weiter/ weil ſeine macht alſo gethan iſt/ das er ſol ewig-  
lich vater ſein/ des friede ewiger herr ſein/ vnd dazu mitten ym  
tod/ ſund/ helle/ teuſſel/ halten/ helffen vnd raten/ dazu die wid-  
derſacher vberwinden/ ſo muſ er gottliche krafft an ſich ha-  
ben/ Denn niemand iſt des friedes herr odder mechtig/ on Got  
alleine/ Niemand kan ym tod helffen/ denn Gott alleine.  
Niemand kan teuſſel vnd alles vbel vberwinden/ denn Gott  
alleine/ Vnd friede auch nicht ſein kan/ wo ſolchs nicht alles  
vberwunden iſt/ Weil denn ſolchs eitel gottliche werck vnd  
thatten ſind/ die dieſem konige ym dieſen ſprichen vnd na-  
men

men zu h  
ſagung  
haffig  
tiger me  
kind iſt  
Gottes  
ſelig ſ  
kreuget

Zie  
person/  
umb ſo  
wortet  
gros w  
für ſich  
mens z  
gen vn  
predig  
reich b  
ren yn  
gros/d  
von de  
auch d  
nemen  
feyrt n

men zu geeigent werden/ so zwingt der glaube/ der solche weis-  
sagung Jesaia für warhafftig helt/ das dieser König sey war-  
hafftig der rechte naturliche Gott/ Vnd mus doch warhaff-  
tiger mensch sein/ weil der spruch da stehet vnd spricht/ Ein  
Kind ist vns geboren/ Das ist nu Ihesus Christus vnser herr  
Gottes sohn von natur/ vnd Marien son nach dem fleisch.  
Selig sind alle/ die es glauben/ denn die schrift leuget vnd  
krenget vns nicht.                      Folget.

## Auff das seine hirschafft gros werde/ vnd des frides kein en- de/ auff dem thron David vnd seinem konigreiche.

Hie deutet Jesaias selbst die namen/ das sie nicht auff die  
person/ sondern auff's ampt gehen/ Denn so du fragest/ War-  
umb sol er denn also heissen vnd solche namen haben? Ant-  
wortet er vnd spricht/ Darumb/ auff das seine hirschafft  
gros werde/ Spricht nicht/ Darumb/ auff das er hoch sitze  
für sich selbst ynn der herlichkeit/ denn da darff er keines na-  
mens zu/ davon man predige/ Er hatts on namen/ on predi-  
gen vnd on vns/ Aber vns hat er nicht/ on solche namen vnd  
predigen/ Denn er mus vns durchs wort holen/ vnd ynn sein  
reich bringen/ Darumb mus er solche namen vnd werck fu-  
ren ynn vns vnd mit vns. Es wird aber sein reich da mit  
gros/ das die Christen teglich zu nemen vnd mehr werden/  
von dem anfang des Euangelij/ bis ans ende der welt/ Denn  
auch dieses reichs art vnd natur ist/ das es stehet ymer ynn zu  
nemen vnd mehr werden/ Sintemal das Euangelion nicht  
feyrt noch ruget/ sondern laufft ynn einem laufft vnd breittet  
sich

G

sich aus ynn alle welt/bis der iungst tag kome. Solcher art ist nie kein konigreich/ odder hirschaft auff erden komen/ das ymer ym zu nemen stehe/ Sie nemen alle zu letzt abe vnd werden zu nichte/ Das billich dis einige konigreich den namen habe/das es ymer wachse vnd zu neme/odder gros werde.

Vnd das geschicht dennoch wunderbarlich vnd auch widder alle vernunft/Denn es legen sich widder dis reich/ alle konigreiche vnd die gantzen welt/wie der ander Psalm singet/Das sichs ansehen lesst/ als solts ein vergehend vnd vermindert reich sein/weil sein euserlich gestalt/ nicht anders ist/denn sterben vnd leiden von yderman/ das die vernunft mus sagen/Seine art stehe ym abnemen vnd vntergehen/ Es sind sich aber zu letzt wol. Jerusalem war eine mechtige stad/ die legt sich sampt dem gantzen Judenthum widder die Christen mit grossen ernst vnd gewalt/ Da waren der Christen wenig/vnd der Juden viel/das wol yhr reich ein zunehmend reich hette moecht heissen/ Aber wie giengs: Ober dreissig iaren lag kein stein auff dem andern zu Jerusalem/ vnd war das Judenthum nichts/ die Juden zustruwet ynn alle welt/Do blieben die Christen nicht alleine/ sondern mehreten sich vnter allen heiden. Roma war das grossst reich/ vnd legt sich auch widder das arme kleine reich Christi/ Aber es weret nicht lang hernach/ da lag Roma mit yhrem reich ynn der aschen/vnd die Christen wurden ausgebreit/ ynn aller welt/ Das heist/ Sein reich sol wunderlich gemehret werden durch die wunderlichen werck der sechs namen/ Darumb mus es alles ym glauben verstanden vnd erharret werden/gleich wie es alles ym geist gered vnd geweissagt ist.

Also sol auch des frides kein ende werden weil das reich steht/ Es steht aber ewiglich/wie gesagt ist. Solchen fride hat auch nie kein konigreich gehabt/ So ist auch nicht ein leiblicher

leiblich  
Vnd o  
horen v  
fullet y  
lich we  
ne ynn  
weret l  
gewalt  
men m  
ben sin  
sampt  
yhn ge  
vnd si  
ewiglic  
digen/  
frides  
tod au  
Matt  
lebend  
der sch  
sie rech  
auffer  
das a  
ewiglic  
tig se  
Gott  
zwing  
auff  
konig  
ende s  
weil  
alle s

leiblicher fride/ sondern ein geistlicher/wie wir gehört haben/  
Vnd ob gleich das zu nemen odder mehrer des reichs auff-  
horen wird am iungsten tage/ wenn der auserweleten zal er-  
füllet ist/ so sol doch der fride nicht auff horen/ sondern ewig-  
lich weren on ende/das ist/ es sol eitel ewige freude vnd won-  
ne ym diesem reich sein/ welche hie anseheth ym glauben/ vnd  
weret bis dorthin/ Denn aus diesem wort schlesst sich mit  
gewalt/das der iungst tag vnd auffersthunge der todten ko-  
men mus. Wir sehen ia/das alle heiligen Propheten gestor-  
ben sind/ Jesaia selbs auch/ dazu die Christen sterben alle  
samt/ Vnd ist doch von yhn allen gesagt/ das dis kind sey  
yhn geborn/ der son sey yhn gegeben/ er solle yhre konig sein/  
vnd sie sollen ym seym reich sein/ vnd fride haben on ende  
ewiglich. Tu ist er nicht der todten konig/ sondern der lebens-  
digen/ So mügen die todten auch nicht brauchen des ewigen  
rides/ so folget/das sie allzumal müssen leben/das ist/ vom  
tod aufferstehen/ vnd leben yhm schon bereit/ wie Christus  
Matth. 22. sagt. Gott ist nicht der todten gott/ sondern der  
lebendigen/ Denn sie leben yhm alle. Also thum alle sprüch  
der schrift/die von dem reich Christi sagen/das/wenn man  
sie recht ansihet/ so schliessen sie/das nicht alleine Christus  
aufferstehen mus/ vnd dazu mensch vnd Gott sey/ sondern  
das auch alle menschen aufferstehen müssen/ Denn weil er  
ewiglich sol konig sein/mus er des todes vnd der sunden mech-  
tig sein/ wilchs zwingt/das er Gott sey/ weil solchs alleine  
Gott zugehoret/ Weil er aber ein geborn mensch sein sol/  
zwingts/das er sterben mus/ vnd doch widder aufferstehen/  
auff das er konig sey ym ewigkeit/ Denn ein todter kan nicht  
konig sein. Sollen aber die heiligen ym seym reich sein/ on  
ende fride haben/ so müssen sie auch von todten aufferstehen/  
weil Christus der todten konig nicht sein kan/ vnd sie doch  
alle sterben. Die verdampften müssen darumb auch auff-  
er-  
G ij stehen

Solcher art  
omen/ das  
e vnd wer-  
den namen  
s werde.

vnd auch  
is reich/ als  
Psalm sint  
d vnd ver-  
anders ist/  
nunfft mus  
n/ Es sind  
ge stad/ die  
ie Christen  
hristen was  
mend reich  
g iaren lag  
ar das Ju-  
lt/Do blies  
h vnter als  
d legt sich  
s weret ni-  
h ym der  
aller welt/  
den durch  
nb mus es  
gleich wie

das reich  
lehen fride  
nicht ein  
leiblicher

stehen/auff das sie yhren lobn empfaben/ vnd yhm als seine  
feinde vnter seine füsse gethan werden/auff das er also sey/  
richter vnd herr/ vber lebendigen vnd todten.

Eben solchs bestettiget auch der folgende text/ der do  
spricht/ Es solle dieser fride on ende sein/ auff dem thron  
Dauid/ vnd auff seinem konigreiche. Tu weis man ia wol/  
das Dauids stuel vnd konigreich ist nicht vnter den engeln/  
sondern auff erden vber die menschen gewesen/ nemlich vber  
das volck Israel vnd vmbliegende heyden/ So müssen dieses  
koniges leute auch zu des selbigen Dauids stuel gehören/  
Aber Dauid ist nicht ewiglich konig gewesen/noch ewiges  
konigreich haben mugen/ Darumb zwinget dieser text/ das  
eben dasselbige konigreich wilchs Dauid hat leiblich vnd  
zeitlich gehabt/ solle vnter diesem konige geistlich vnd ewig  
werden vnd bleiben. Tu sind sie ia gestorben/ vnd sterben  
noch die zu Dauids konigreich gehörten/ so müssen sie gewiss-  
lich widder von den todten auferstehen/ auff das sie diesem  
konige ewiglich leben/ vnd seinen ewigen fride besitzen vnter  
yhm. Siehe/so heymlich vnd so gewaltiglich beweiset die  
schriffte/ das alle menschen müssen von todten auferstehen/  
Vnd Christus zuvor als der konig/ fur vnd vber allen/ das  
wol S. Paulus spricht zu Timotheo / Er solle gedencen/  
das Christus sey gestorben vnd auferstanden nach der  
schriffte/ als solt er sagen/ Es ist so vngleichlich vnd wunder-  
lich ding/ das wo man sich nicht an die schriffte helle/ so kans  
die vernunft nicht dulden/ vnd wurde auch kein mensch nie-  
cht glauben.

Aber hie mocht nu yemand sagen/ Wo bleiben denn wir  
heyden/ die nicht zu Dauids konigreich gehört haben: sollen  
wir nicht auch ynn Christus reich komen/ vnd alleine die Jü-  
den selig werden: Antwort/ Jesaja helle mit seiner weiss-  
sagung

ung  
Juden  
leine de  
nicht a  
15. Jch  
west/v  
Aber  
Der re  
des ge  
sonder  
wurde  
boren  
cke zu  
re sprü  
werden  
Jesaja  
Du m  
mach  
verhei  
nigrei

Di  
wie  
konig  
Dary  
vnd e

gung die gewonheit aller ander schrift/ vnd verheisse den  
Juden alleine Christum vnd sein reich/ Denn Christus ist als  
leine den Juden als Abrahams samen/ verheissen/ Aber er ist  
nicht alleine den Juden worden/ wie Paulus spricht Roma.  
15. Ich sage/ das Christus sey der beschneytung diener ge-  
west/ vmb die verheissung vnd Gotts warheit zu bestetigen/  
Aber das die heiden Gott preisen vmb die barmhertzigkeit/  
Der verheissung nu nach/ ist Christus alleine der Juden/ Aber  
des genießes nach/ ist er der gantzen welt/ Es musste ia ein  
sonderlich volck sein vnter allen volckern/ dem er verheissen  
wurde/ weil er nicht kundte von allen volckern vnd samen ge-  
boren werden/ Aber er musste nicht alleine dem selbigen vol-  
cke zu teil werden/ sondern aller welt/ Darumb sind nu ande-  
re sprüche/ die anzeigen/ wie Christus auch den heiden zu teil  
werden solle/ wie wol er yhn nicht verheissen ist/ Davon hie  
Jesaia nicht redet/ sondern droben gesagt hat/ da er spricht/  
Du machst der freuden wenig / weil du des volcks so viel  
machst. Aber hie handelt er von dem verheissen konige/ ia er  
verheisse den konig dem volck Israel/ als dem stuel vnd ko-  
nigreiche Davids.

**Das ers zurichte vnd stercke  
mit gericht vnd gerechtick-  
eit/ von nu an bis ynn ewig-  
keit.**

Dieser konig sol nicht sterben vnd erben hinder sich lassen  
wie David/ sondern sol selbst ymer vnd ewiglich ein einiger  
konig bleiben / vnd auch das konigreich ewiglich halten /  
Darynn abermal bezeigt wird/ die anfferstehung der todten  
vnd ein ewiges leben. Er solt aber solchs thun/ nicht mit

G iij waffen

waffen noch ros/ wie weldliche konige thun/ sondern mit gericht vnd gerechtikeit / Vnd sol von nu anheben wenn er einsetzt/ vnd sol ewiglich weren. Was gericht vnd gerechtikeit heisse/ ist sonst offft gesagt/ als ym Psalterlin 2c.

Vnd ist kurtz die summa/ Christus sol sein reich auffss erst ordenen/ zurichten vnd fertigen/das es stehe vnd gehe ym gutem recht/ das die leute drynnen sunde vnd alles vnrecht meyden/ vnd los seyen/ Das heist das gericht/ wilchs verdampft vnd strafft alles vnrecht. Zum andern/das er es halte/stercke/erquicke wo es mat ist/ das die leute drynnen/ frum vnd gerecht/heilig vnd vnstrefflich seyen/ Das ist/ die gerechtikeit/ Dis alles mus er freylich thun mit seym heiligen geist/ der newe menschen mache/ Dem/ weil alle menschen sunder vnd eitel falsche lugener sind/ tugen sie gar nichts ym sein reich/ ym wilchem eitel gerechte/ frumme vnd heiligen sein sollen/Vnd das meinet er auch/ da er spricht/ Er der konig solle schaffen/das sein reich eitel recht vnd frumikeit habe/ vnd die leute frum vnd heilig seyen/ Auff das nicht sie selbs durch yhre werck frum vnd gerecht ym seym reich werden/ sondern er selbst durch sein werck vnd geist/ sie zurichte vnd stercke/ Das geschicht/ wenn sie an yhn gleben/vnd lassen yhn wircken mit sein wort vnd geist.

## Solchs wird thun der Kyuer Des herrnn Zebaoth.

Warumb nicht also/ Solchs wird thun/ die gnade vnd barmhertzikeit Gottes : Ist doch eytel gnade vnd nicht Kyuer : Antwort/ Es ist darumb also geredt/ Das Gott sihet die falschen lerer/ vnd falsche Propheten/ die sich vnterwinden das volck mit gesetzen vnd wercken frum zu machen/

da

da durch  
gantzen  
also/ da  
rei



da durch denn der glaube vnd Gottes verheissunge/ mit dem  
gantzen Christo zu nicht werden/ das verdreusst denn Gott  
also/ das er gleich aus eym Eyner/ sein wort vnd Christus  
reich mus komen lassen/ damit der glaube vnd seine  
verheissung erhalten/ vnd das volck  
nicht schendlich versuret  
werden. Amen.


Gedruckt zu Wittenberg durch Nicolaum  
Schirlentz/ nach Christi gepurt/ Taus  
sent funff hundert/ vnd ym sechs  
vnd zwentzigsten Jar.

Ey

gnade vnd  
vnd nicht  
as Gott si  
sich vnter  
u machen/  
da

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.

Handwritten text, likely bleed-through from the reverse side of the page. The text is mirrored and difficult to decipher due to its orientation and fading.

















2.

